

सानसेयारि "बड'सा" खौरांगलाइयाव
अमाज्यादि जिज्जों लोब्बा थानाय रायथाय, अन्थाय,
भल', अल'बाथा आरु दावबायारि थावनि, पार्क
बाइदिनि आयाव लिस्नाय लिस्बिदां दैथाय हर्/
सानसेयारि "बड'सा" खौरांगलाइया सेबअरानि
फोसावगोन।

बड'सायाव लिस्डरनायनि हुब्बा खालाम,
"बड'सा" खौ नौथो, जो बयबो आंगो खालाम।

सानसेयारि बड'सा मावखुलि
माइबं नोगार, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Thursday ★ 12 November, 2020 Kokrajhar, BTC, Assam ★ Vol.- 30, Issue No. 226 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

बिपिएफनि मावफुं आफादगिरि मासिनिक्राय एमपि बिस्वजित दैमारिआ बिबान एंगलायबाय

बावैसोन गेजेरावनो बिजेपियाव हाबफैनाया रोखा जाबाय

दिसपुर, 11 नभेम्बर: बिटिसिस बिसायख 'थिनि सिगां-सिगां हायामा महिलारि दैदेन्नाय बिपिएफ हान्जानि मोनसे गेदेर गुगानाय। बिपिएफ हान्जानि सासे गोखों, गांगि आरु रफोद दैदेनगिरि बिस्वजित दैमारिआ दिने बिपिएफनि मावफुं आफादगिरि मासिखौ एंगारबाय। राइज्योनि राजथावनि गुवाहाटीनि हटेल लिलीआव मोनसे खौरांगिरि मेल खुनायनि गेजेरजों एमपि बिस्वजित दैमारिआ बिपिएफ हान्जानिक्राय



गावनि बिबान एंगारनाय आरु हान्जानिक्राय ओंखारनायखौ मिबथिहोदों। गावनि गांसे बिबान एंगलायलाइयाव एमपि दैमारिआ

लिरदोंदि, बिपिएफ हान्जाया जोनोम जाजेनानयनिक्राय सासे सोद्रीमा महै गोबबो बोसोर सम खामानि मावबोनायनि उनाव बे समआ आनि थाखाय दिग्रायनायनि सम। अदेबानि आनि थांखिया हादरनि, राइज्योनि आरु ओन्सोलनि थाखाय खामानि

मावबावनांगोन आद्रा दड। ओं मोन्दांथि लादोंदि, बिपिएफ हान्जायाव थानानै आनि मावबावनांगौ खामानिआ जाकुंनय नड होन्नाय दैमारिआ बिबान एंगलायलाइयाव लिस्बावदों। इसिखरि सुलुंनिक्राय (□ 5 बिलाइआव)

टंलायाव उदालगुरि जिल्ला बिजेपिनि खौरांगिरि मेल (बिटिसिस बिसायख 'थिआ जोबनायनि उनावनो हाग्रामा महिलारिआ बिजेपिआव हाबगोन: सान्तिआस कुजुर)

उदालगुरि, 11 नभेम्बर: फेगौ बिटिसिस बिसायख 'थिया खुंफुंजानायानि उनावनो हाग्रामा महिलारिखौ लाफानानै बिपिएफनि 80 जौखोन्दो दैदेनगिरि आरु मावथिफोरा बिजेपि हान्जायाव हाबगोन। बे बाध्राखौ बुंदों, राइज्यो सभानि बारग' एमपि सान्तिआस कुजुरआ दिने टंलायाव थानाय कालिंदुवार मन्डल बिजेपिनि मावखुलिआव खुंनय उदालगुरि

जिल्ला बिजेपिनि मोनसे खौरांगिरि मेलआव सान्तिआस कुजुरआ बुडोंदि, जाखल 'नायजों लोहाबबोनाय बिपिएफ हान्जानि समआ बिटिसिसआव थुगेबाय। (□ 5 बिलाइआव)



इन्द्रि मिरि सार्वजनिक रान्दि पेन्सन बिथांखि आरु माहारियारि समाजयारि मदत बिथांखिनि सिडव 91.22 कौटि रानि पेन्सन बेखेवबाय

गुवाहाटी, 11 नभेम्बर: गिबि मिन्थि सर्बानन्द सनवालनि सामलायनायाव राइज्यो सरकारआ गावनि रं बांखिजों पन्सायत आरु गामि जौगाखों बिफाननि सिडव राइज्योनि रान्दि आइजोफोरनि थाखाय थानाय एप्रिल दानाव गेवलाडेजागायजेनाय इन्द्रि मिरि

सार्वजनिक रान्दि पेन्सन बिथांखिनि सिडव दासिम सा 1,67,196 मुलाम्फायारिफोर मुलाम्फा मोनो हादों। बे बिथांखिनि सिडव सोलिफु सपताहयाव 556.740 लाख रानि पेन्सन बेखेवनाय होनाय जादों। बेराफर्स माहारियारि

मुलुगनाडै कभिड-19 सन्देरनाया 5.13 कौटिनि बांसिन जाबाय

वाशिंग्टन, 11 नभेम्बर: जन्स हफकिन्स इडनि भासिदिनि नायबिजिस्तानै बुथुमनाय मोनसे रिपटबादिब्ला, मुलुगनाडै करना भाइरास सन्देरनाय सुबुंनि बिसानआ गासे 5.13 कौटि जाहैबाय आरु बे भाइरासजों थैनाय सुबुंनि बिसानआ 12 लाख 70 रोजानि बांसिन जाबाय। इडनि भासिदिनि सेन्टर फर सिस्टेम साइन्स एन्ड

इन्जिनियारिनि गोदान फारिलाइयाव दिन्थिनाय वादिब्ला, दासिम मुलुगनाय बिसानआ 12,70,171 सिम जाहैबाय। मख 'नाय जायोदि, आमेरिकया मुलुगनि गेजेराव बयनिखुडुबो बांसिन करनानि गोहोम गोपलैनाय हादर। बे हादरआव दासिम सा 10,242,754 सुबुंफोरनाव करना सन्देरनाय आरु थैनायनि बिसानआ 2,39,628 सिम जाहैबाय। एरहाय 85,91,730 (□ 5 बिलाइआव)

हुदुमखाटायाव बि पि एफनि सुबुं गौमा

गसाइगाव थान्द, 11 नभेम्बर: गसाइगाव महकुमानि 5 नं सराइबिल बियाबनि सिडव थानाय हुदुमखाटायाव दिने बि पि एफनि

नेहाथारि अशक मारादिआ। गौमायाव जायगानि एम एल ए माजेन्द्र नाजोरिआ बाहागो लानानै बुडोंदि, बि टि सि बिसायख 'थिखौ लानानै बेरेखा दोलोफोरा बि पि एफनि हँथाय नंखाय बांसावनायाव नांथावनाय राइजो-राजाफोरनि गोसोखौ बोखलेंनो नाजादों। गोहोनि सार्थनि थाखाय नंखाय बाध्रा फोसावनाय बि पि एफ दोलोनि मोनबो रोखोमनि खहा खालामनो हानाय नड। मानोना राइजो-राजाफोरा बि पि एफजोंनो दड। बि जे पिखौ गोखों रावजों (□ 5 बिलाइआव)

भारत-चीन सिमनानिक्राय सान्थिफोरा फावसयनो गनायथिलायबाय

गोदान दिल्ली, 11 नभेम्बर: सान्जा लाडाखआव थानाय माखासे दानफोर सिगानिक्रायनो सोमजिबोनाय सिमना जेना आयदाया थावेनो बोखंजानायनि

सायाव गनायथिलायबाय। दरनै हादरनि कमान्डार थाखोनि सावरायलायनायाव गोरोबथा खालामनायनि गेजेरजों चीननि सान्थिफोरा सिमना नागरानै गावसिनि फासे गिदिलांफिनो थियारि जाबाय। मख 'नाय जायोदि, थानाय 6 नभेम्बरखालि सुसुलआव 8 थि बेटेलियन कमान्डार थाखोनि सावरायलायनाय समाव दरनै हादरनि गेजेराव बे आयदानि सायाव सावरायलायनाय जादोंमोन। सावरायनाय समाव चीननिक्राय गथायनाय माखासे प्रस्ताबनि सायाव भारतआ बिसार खालामगासिनो। बेबादिनो सावरायलायनायनि गेजेरजों खोथा (□ 5 बिलाइआव)

तामुलपुरआव सोलायनायनि थागिदायाव इउपिपिएलनि गेदेरथार सुबुं गौमा (हारिनि, ओन्सोलनि आरु जौगानायनि फासे सान्तो रोडै बिपिएफखौ बिदाइ होनांगौ: प्रमद बर)

तामुलपुरनिक्राय दैमालुगम बर', 11 नभेम्बर: फेगौ डिसेम्बर दाननि गेजेरावनो बिटिसिस बिसायख 'थिया खुंजासिगोनखौ बयबो मिजिधिदों। बुलिआवबो बिटिसिस बिसायख 'थिखौ नोजोर बोनाय दैसादि गुरु गुरुन रजखाथि हान्जाफोरनि गेजेराव बिसायख 'थि फोसावदिनायनि दावहाया गोखोडे सोलिगासिनो बिटिसिसि दरखौ जिल्लानि दाब-दाब बियावफोराव। बिसायख 'थि



गाव जेरे-मेरे फोसावदिनाय आरु मेल-मिदि खुंनयाव मुखुबै नांथावगासिनो थानायखौ नुनो मोन्दों। दिनेबो बाक्सा जिल्लानि तामुलपुर ओन्सोलनि सोगुरिआव इउपिपिएल हान्जानि सोलायनायनि थाखाय मोनसे गेदेर सुबुं गौमा हावाफारिआ खुंफुंजालाडे। मोजों खुंथाय आरु सोलायनाय हास्थायग्रा रोजा-रोजा राइजो-राजाफोरनि बाहागो लाफेनाय बे सुबुं गौमायाव गहाय आलासि महैरे बाहागो लाहैयो इउपिपिएलनि आफादगिरि प्रमद बर'आ। हावाफारिआव (□ 5 बिलाइआव)

बागसा जिल्लानि तामुलपुरआव आइजो बिपिएफनि बिसायख 'थियारि फोसावदि सुबुं थुबुर्मा

तामुलपुर, 11 नभेम्बर: दासादि फेगौ डिसेम्बर दाननि गेजेराव खुंजानो गोनां बिटिसिस बिसायख 'थिनि थाखाय गुरुन गुरुन रजखाथि हान्जाफोरा बिसायख 'थियाव देरहानो मिजिजों सानफोरमबो थानाय गैयालासे बिसायख 'थि फोसावदिगासिनो थानाय बादिनो थानाय 17 बोसोर



बिटिसिआव सरकार सालायबोनाय बिपिएफ हान्जायावो फिन बिटिसिस खुंथायनि दखलखौ लाफिनायनि मिजिजों उन जानाने थायाखें बिसायख 'थि फोसावदिनायाव। दिनेबो बाक्सा जिल्लानि सिडव थानाय गयबारि बियाबनि तामुलपुर गप्राचकआव गयबारि ब्लक आइजो बिपिएफनि बान्जायनायाव आइजो बिपिएफनि मोनसे गेदेर बिसायख 'थियारि सुबुं थुबुर्मा जानाने थाडे। दिनेनि बे सुबुं थुबुर्मा बिसायख 'थियारि फोसावदिनायाव गहाय आलासि महैरे बाहागो लाहैयो बिपिएफनि आफादगिरि हाग्रामा महिलारिजों

लोगोसे आसामनि समाज अन्साय बिफाननि मिन्थि प्रमिला रानि ब्रह्म (□ 5 बिलाइआव)

गथ 'सा थुनलाइगिरि,
सोलोथायगिरि डो अनुराधा
बरुवा आरु मख 'जाथाव
खौरांगिरि सनत कुमार कैरनि
रुसारि जानायखौ गिबि मिन्थिआ
दुखु फोरमायदों

दिसपुर, 11 नभेम्बर:
मख 'जाथाव गथ 'सा
थुनलाइगिरि, सोलोथायगिरि डो
अनुराधा बरुवानि जिउ
गोमानायाव गिबि मिन्थिआ गोथौ
दुखु मोनाया फोरमायदों। दिने
मोनसे दुखु रादाबनि गेजेरजों
गिबि मिन्थि सनवालआ
(□ 5 बिलाइआव)

अर्नब गस्वामीखौ जोबथेसालिनिक्राय जामिनआव उदां खालामबाय

मुम्बाइ, 11 नभेम्बर: गोजौसिन बिजिरसालिआ जामिन होनायनि उनाव दिने बुधबारखालि रिपब्लिक टिभिनि गहाय सुजुगिरि अर्नब गस्वामीआ मुम्बाइनि तालजा जोबथेसालिनिक्राय उदां जाबाय। जोबथेसालिनिक्राय ओंखारबोनाय समाव



आसाम पुलिस हेक्काटन, 2020 नि देरहासार जानाय हान्जानो गिबि मिन्थिआ बान्था गथायदों

दिसपुर, 11 नभेम्बर: जॉनि लाइमोनफोरा गोथौ सानखांथि आरु दिहुन्थायारि रोंगथिजों बुंफबनाय आरु बिसोर लाइमोनफोरा गहाय मिन्थि नरेन्द्र मदिनि मुलुगआव भारतखौ दरसे गिबि सारिनि हादर महैरे दाफुंनयनि सिमंखौ जाफुंसार होनो थाखाय गावसिनि रोंगथिखौ बाहायनांगौ आरु दिन्थिनगौनि गोनांथि दड। बे बाध्राखौ बुंदों आसामनि गिबि मिन्थि सर्बानन्द सनवालआ। गुवाहाटीनि आसाम एडमिनेस्ट्रिथ कलेजआव खुंनय सेथि आसाम पुलिस हेक्काटन 2020 आव देरहासार जानो हानाय हान्जाफोरनो बान्था रान्नाय हावाफारिआव बाहागो लानाने गिबि मिन्थि सनवालआ बुंदोंदि, 21 थि जौथाइया बिगियान आरु बिरोंदामिन, लोगोसे दिहुन्थायारि



आरु गोदानारि जोनोम होनायनि जुग। बे समा बिरोंदामिन, सोल्लोथाय, नायबिजिरस आरु दिहुन्थायारिनि सायाव बांसिनै गोनांथि आरु नोजोर होनांगीनि थि बिरोंदामिन दिहुन्थायनि सायाव बांसिन गोसो होनांगो होनायने बुडे। बिथाड बुंवावोदि, हेक्काटनआ जाखोंफु नाय सोल्लोंसा लाइमोनफोरनि थाखाय मोनसे

गेदेर खालु जगयथिनायने होगोन। जायनि गेजेरजों रोंगथि गोनां सोल्लोंसाफोरा बिरोंदामिन एवा टेक्नलजिखौ बाहायनायनि गेजेरजों (□ 5 बिलाइआव)

आलफा (आइ) नि डिपुटिसि-इन-सि ट्रस्टि राजखवाआ गावखौ गथायबाय

गुवाहाटी, 11 नभेम्बर: आसामनि गोखों असमीया उतखारि आफाद आलफा (आइ) नि सासे रफोद आरु गिबि सारिनि दैदेनगिरि थामहिनाय डिपुटि कमान्डार इन सिफ ट्रस्टि राजखवाआ दिने गावखौ पुलिसनि आखाइयाव गथायबाय। अदेबानि बुधबार बेलासियाव पुलिस आरु थिउरियारिफोरनि गेजेराव



गावलायनायनि उनाव राहा गोथेजानाने राजखवाआ गावखौ गथायदों। खमेबो 30 मिनिट सम (□ 5 बिलाइआव)

अखिल हिन्दी भाषी युव सात्र परिषदनि बालाजान तिनालि आफाद दाफुदों

कक्राझार, 11 नभेम्बर: अखिल हिन्दी भाषी युव सात्र परिषदनि दैने कक्राझार जिल्लानि सिडव थानाय बालाजान तिनालि दख 'रा आफादखौ मोनसे हावाफारि खुंनयनि गेजेरजों दाफुंनाने लानाय जायो। हिन्दी भाषी युव सात्र परिषदनि आफादगिरि गपाल प्रसादिनि मासि लानाने दैदेननाय बे गोदान आफाद (□ 5 बिलाइआव)

चिराडव गोबां बिबानि गोथां गुलि बोखांदों

चिरांनिक्राय फाखन गयारि, 11 नभेम्बर: चिरां पुलिस सान्थि हान्जानि दैदेननायाव मोनसे नायबिजिरनाय हावाफारि बान्जायनायनि गेजेरजों दिने बुधबारखालि फुनि 7.30 रिगासो समाव बिजनी महकुमानि आमगुरि पुलिस थानानि सिडव थानाय 1 नं गोजोनफुरि ओन्सोलनिक्राय गोबां बिबानि गोथां गुलिफोरखौ बोखांनो हादों। चिरां पुलिस उफ्रा एसपिआ फोरमायनाय वादिब्ला, हाथियार दोनखोमानायनि खौरोखौ संगालि सुलुंनिक्राय सोदयै मिबथिनो मोनायनि उनाव बिजनी (□ 5 बिलाइआव)



सुजुगिरिनि खोलोम

बर 'नि मुलियारि बिफां-लाइफांफो

जौनि न' उसुं, बारि ख'ना, औवासुं बारि, फोथार (बर 'फोरनि) सोरगिदिं जेरैबो-जेरावबो बर 'फोर मुलि महरै बाहायग्रा लाइफां, बिफांफोरनि सोमोन्दै बुंनानै फोजोबनो हाया। बेखौनो बुधुमनानै देहायाव नुजानाय बाइदिसिना बेराम-आजराफ्रव बाहायबोनाय जायो। नाथाय बेफोरखौ सोदांनानै दिहुन्नायाव आखा-फाखा जानो एबा दावगानो हायाखैं। अब्लाबो गोदो-गोदायनिफ्राय जेरै बाहायबोदों बिबिन्दिनो बाहायनानै सोलिबोदोंबो।

बोथोर नायै बोथोर मोनफुंनो हानाय औंछि महरै जानो हाथाव-उसुमै, नोरसिं, अन्थाय बाजाब, खानसिसा, मानि-मुनि, बारसिखा, खेरादाफिनि, माइसुन्दिनफ्राय लानानै बाइदिसिना लाइफांफोरखौ सिनायै बर 'फोर गेफेरा आरो मोनजाफेरैबो गैया जानांगौ। बेफोर लाइफांखौनो बर 'फ्रा बाइदिसिना रोग-बियादिफ्राव औंछि महरै जानानै मुलि महरै बाहायबोदों। माइफ्राम, माइसुंखा, माजिधि, दाव मेवयाय, दाव फेन्दा, सिम्फ्र, दौसैम, मैथासिख्ला, जोगलावरि, आजोनाय, सिबुफ्रा बर 'फोरनि आंगो मैंग। खारैखा, बारसिखा, बिषलोखोनखौं खायफा बर 'फ्रा सिनायनो हालियाब्लाबो बेफोरखौबो बर 'फ्रा मुलियारि मैंग महरै बाहायबोनानै हुंखा सुंबोदों। आमलाई, सेलेखा, बावरा, खामब्रेंगा, थाइगिर फिथाइफ्रा मानसि आरो जिब-जुनातनिल 'आदारल' नडा, मुलिन थाखायबो बाहायबोदों।

गिलानि मादा, बोसोरब्रै-बोसोरबा बोराय जानाय गरसि (फिथाइ-रोदा), ख'मा, बिसांगलि, (फिथाइ-रोदा) बेफोर जिउ-जुनातनिल ख'हा खालामग्रा लाइफां। बेराफार्सेथि सजना, खारंखान्दाइ बिगुर बेफोर लाइफाडा मानसिनि थाखाय अराय गोनांथार। बर 'नि थान बिदाव बाथौयाव सिजौ आरो जाथासि-थुलुसिया मानो गोनां जायगा मोनबोदों बेखौं बुंनो हायो खेराइनि दौरि-जानागुरफ्रासो।

बर 'नि खुगा मेथाय-आदि दिगा, माय बलंगा, मुगासं आरो बोसोर गोदान बरायनायनि बर 'नि आंगोसिन फोर्बो बैसागुआव देगे लेवया, मोखोना (लोखोना?) आरो खाधि बिबारा मानो जायगा मोनबोदों बेफोरनि औंथिखौ रिसार्स स्कलारफ्रा थिसिसफ्राव मख 'योब्ला बेफोरनि गेजेरजोबो बर 'नि आसार-खान्थियावदि गोनोंखोयारि सुलुं हाबनानै दड' बेफोरो रोखायै महर बेरखांनो खाबु मोनगोन आरो बाहाय बिगियानाव जायगा मोन्यायनि मिजिं लाजागौ होन्नानै सान्नो हायो। बर 'फोरहा मुलि बिगियानबो दंजायोमोननो।

दिनैनि फानजायुधि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: जैबो सांग्रं जानानै थानांगोन। माबाफोर जेनायाव गोग्लैनो हागौ।

वृष: हाबा मावनायाव गुबुनआ माबा मोनसे ख'हा जानो हागौ। जेखि जाया सांग्राडै मावनांगोन।

मिथुन: मोजां आखुनि थाखाय बयजोबो सन्मान होजानो मोनगोन। फालांगिरि मावग्रानि थाखाय मोजां।

कर्कट: नोंथानिफ्राय माबा मोनसे मुवा गोमाबायनो हागौ। जैबो सांग्रं जानानै लाखिनांगोन।

सिंह: माबा मोनसे हाबा मावनायनि सुजुग-सुबिदा मोनो हागौ। गोजोन्नाय मोनो हागोन।

कन्या: सिगानिफ्राय आसा खालामबोनाया मोगथांआव जाफुंनो हागौ। गोसोखौ गोजोन्नाय मोनगोन।

तुला: दिनैनि दिनआव रां मोन्यायनि आसा दड। जैबो गोजोनखौ मोनो हागोन।

बृश्चक: माबाफोर जेनायाव गोग्लैनो हागौ। जेखि जायामानो शान्ति मोन्याय नडा। गोसोखौ हमथा।

धनु: मोजां रोंगथिनि थाखाय मान मोनो हागौ। गोसोखौ थुलुंगानाय मोनगोन।

मकर: जेना जेंसिआ जोबनानै थानाय नडा। गोसोखौ शान्ति गैयै मोनगोन। गोसो हमथानानै था।

कुम्भ: मोजां हाबा मावलांनो हानायनि थाखाय मानखौ बांहांनो हागोन। फाफ्रोमआवबो दावगालांनो हागोन।

मीन: फालांगि मावोबा ख'हा जानो हागौ। सरसनस्ता खामानिखौ मावने हागोन।

दावबायनायनि रंजानाय आरो मुलाम्फा

रमाकान्त बसुमतारि

जिउयानो मोनसे गोलाव दावबायनाय। मानसिनि गोसोया अराय हास्थायसुला। नुयैखौ नुनो, मिथियेखौ मिथिनो अराय मानसिया हास्थायो। जिउ मोनसेयाव मानसिया मिथियो बुजिजोबनो हाया। बे जिउ मुलुग संसारा बेसेबा फैलाव। थेवबो सुबुं हारिया मोनथियेखौ मोनथिनो नुयैखौ, नुनो अराय हांखुर आरो मुखुब।

दावबायनाय बेयो मोनसे निसा एबा हवि। खेबसे दावबायनायनि बिदैखौ मोनलों फ्लां ब्ला अराय दावबायनाय थानो लुबैयो। दावबायारिनि गोसोया अराय दावबायनो होदावरि-होसावनि गोजानाव बिरलाडो। दावबायोब्ला खाथि गोजोन्नायल' मोनो बिदि नडा। दावबायनायनिफ्राय गोबां रोखोमनि रोंमोनथायखौ रोंगथि जायो। मोनसे जायगानि गियाज जादिमिनि मिथिगायारि महर-मुसि मानसिनि जिउ खुंनयनि जादिमिनि, बेफार फालांगि, सोलोंथाय, रांखांन्थि, राजखान्थि दोहोराम फोथायनाय, थुनलाई, गियान, बिगियान, सान्नाय-हनायारिनि सोमोन्दै आबुडे गुवारे मिथिनो हायो। मोनसे जायगायाव दावबायोब्ला दावबायनायनि गोसोया फैलाव आरो रहस्यमय गोनां, दुखु सहायनो हानाय सहायसुला, धर्यं गोनां जायो। गोसोया सोरजिलु जायो, गोसो फेसालिया गुवार जायो, गोसोया दाद गोखोडे खामानि मावबाय थानो, जिउयाव दावबायलांनो अराय थुलुंगाखाडे। सोनाबारि हादतनि मानिसफोरा बोसोरसेयाव खेबसे एबा खेबनै गोजान जायगा एबा गुबुन हादतयाव दावबायनो थाडे। बेनि अनगायै सप्ताहनि जोबथा शनिबार, रबिबार सुबुं अरननिक्राय गोजानाव थानानै गाविनि नख'रनि फोलेर सुबुं लोगोफोरजों मिथिं गानि

भारत हादतनि बाडालि हारिया जोबोर दावबायनो मोजां मोनग्रा हारि। बिसेर धोनि-गोरिब बयबो दुर्गा पुजा, गडुम बन्ध एबा बोसोराव खेबसे बबेबा गोजान जायगायाव बेरायनो थाडे। दुर्गा पुजानि समाव कलकता नोगोरमानिक्रायनो 5, 6 लाख मानसिफोरा भरतनि गुबुन गुबुन जायगायाव बेरायनो थाडे। बिसेरनि मादाव गोबाडानो हाजिरा मावनाय, पाट टाइम खामानि मावनाय, रिक्सा सालायनाय, थेला नारनाय बिसेर सुबुंफोरा दावबायनायनि थाखाय आरिजनयनिक्राय मास मोनफ्रोमबोयाव एसे एसे दोनथुमो। बेखायनो बाडालि हारिनि मानसिफोरा दावबायारि।

दावबायनायनि

थाखाय भारत हादतयाव गोबां जायगा दं। भारत हादतनि नोगोरमा दिल्ली, मुम्बाइ, चेन्नाइ, कलकाता, बांगलर आरि जायगायाव दावबायनो हायो। बेफोरनि अनगायै आग्रा, पुने, टावां, चिलं, दार्जिलिं, आरि जायगाफोव मूख'जाथाव दावबायनो गोनां जायगायाव जादों मिथिं गानों समावप्ले नाय काशमीर, सुडुजारलेन्ड बायदि जायगा टावां, बायदिया अराय बरफजों खोबथे जानाय हाजो, बुहुमदांखा मिंसिभिनि, राइन, टे मस, नील दैमा बायदि ब्रह्मपुत्र, बराक दैमा, उडुस्त्यानि सिल्ला बिलोमा बादि चिलिनि बरापानि, हाफलं, मनिपुरनि लकटक, आगरतलानि फाखुरीग्रीनि शभाराम आवाद मावनानै जाग्रा हालुवानि फिसाज्ला। अबारामनि बिदा देरसिना लभाराम आरो बिब'आ जोंथि। फंबाय सानै आनारु आरो सम्बार बिब' बिनानावआ हाबा जाजोबलांनया। बिफाआ बयखौबो एफा एफा लेखा फोरोंजोबदोंमोन। अबारामनि

निरमहल, माहारियारि पार्क काजिरडा, मानास आरि जायगाफोर दं। गोबां दैमा, दै बाजुम, निजोरा दं। गुवाहाटी, तेजपुर, शिवसागर आरि जायगायाव जादिमिनारि बे जायगाफोराव राजा महाराजाफोरनि गोबां नेरसोन, मन्दिर, मसजिद, गिर्जा आरि फोरखौबो नायनो दावबायनो जायगा दं। जौनि आसामावनो गुबुन गुबुन, जायगानि बादि ट्रे किं खालामनाय, बोरसि बोन्नाय, नाव सालायनाय, गुदु हाग्रामा गेजेराव थानो हानाय, ब्रह्मपुत्र दैमायाव कुज, मटरनि लन्सयाव गाखोनाय, रिजर्टयाव थानो हानाय गोबां खाबु दं। बेफोराव बाडाय खरसायावनो दावबायनो हायो, रंजानो हायो। आथिकालाव गोबां ट्रेभेल्स एजेन्सिया खाबुफोरखौ खाबु खालामना हायो। भारत दावबायनो आरो बिदेश दावबायनो बेफोर ट्रे भेल

एजेन्सिफोरा किस्टि हिसाबाव रां लानानै दावबायनाय खाबुखौ खालामना हायो। बेंकफोराबो लन होना बिदेश, देश दावबायनायनि खाबु खालामनानै हायो।

बे लिटरगिरिया दासिम नेपाल हादत, दिल्ली, कलकाता, बांगलर, पुने, इटानगर, टावां, चिलं, दार्जिलिं, डिब्रुगड, शिवसागर, तिनचुकिया, त्रिपुरा, मुम्बाइ आरि गोबां जायगाखौ दावबायनायाव।

थब्लडे बेखौनो बुंजायोदि- दावबायोब्ला नुयिखौ नुनो मिथिनो हायो सोलेंनो हायो। लोगोसे देहा आरो गोसोनि मेंनायखौ जानगर हायो हायो। देहानि थाखायबो दावबायनाया मोजां। ओंखाइनो जों बोसोरफ्रोमबो दावबायनो थाखाय मोनसे बिथांखि लाना गोजोन्नाय रंजानाय सुखु मोनो हायो। दावबायनो थाखाय रां

धोराम सिबिनायाव लायमोन आरो आयजोफोरनि बिबान

बिबान्त श्वरगयारी

जाय हारिया धोराम गैया बे हारिखौ सिनाया। धोरामानो हारिखौ रायथियो। धोराम सिबिनाय होन्नाय लोमो-लोमो धोरामा मा ? बिनि सोदोबथिया मा ? बायदि सोंथिफोरा जाखां फैयो। धोरामनि सोदोबथिया सुंदयै बायदिसिना आसार खान्थिनि गेजेरजों सुबुं माहारिखौ फोथानानै लाखिनाय। बिबिन्दिनो धोरामा सुबुं समाजनि सुबुं फोरखौ आसार खान्थिनि गेजेरजों एखुथा धोरामनि सुबुं होन्नानै सिनायथि होनायाव हेफाजब होबोदों। बेनि खायनो ईश्वरनाम धोरामनि सुबुंनि आसार खान्थिफोरा हिन्दु धोरामनि आसार खान्थिनिफ्राय फाराग दड।

धोरामा मोनसे धोरामनि सुबुं माहारिखौ गोथारै थानो थिनायनि लोमोसे नैतिक साहसखौ जोगाहोनो हायो। मोनसे खोथाया थारदि- सासे सुबुख नैतिक साहस गैयाब्ला जेबो खामानिआव उदायनो हाया। जाय सुबुडा गाविनि जानाय-लौनाय, मावनाय-दंनाय, बायदि खामानि फोराव जेबो धोराम एबा आसार खान्थि मानिया बियो जेब्लाबो जोगानो हायो। बेफोरबायदि सुबुडा जीउनि ससेआवनो सौथुनो गोनां जानानै फैयो। बेनिखायनो नामा धोराम फोथायसुला आरो अबंलावरि गिख' हारिफोरासो दावगालांन्यासिनो दड। बेनि अनगायैबो जायफोर सुबुंफोरा धोराम फोथायो बिथांमोनाबो जीउ गोलाव जानायखौ नुनो मोनो।

दा बाश्राया जाबाय धोराम सिबिनायाव लायमोन आरो आयजोफोरनि बिबाननि सोमोन्दै सावरायनांगौब्ला गोबां। जों लायमोन होनोब्ला संग्रा- सिख्ला फोरखौनो मोनथियो। लायमोनफोरा धोरामनि आसार खान्थि फोरखौ मानिनानै गावबा-गाविनि खामानियाव आवगाय लांथारनांगोन। जाय लायमोन फोरा बायदिसिना गिञ्जा

खावरिनिखुइ गोसोनि थागिदायासो आसोल खोथा। ओंखायनो गोसोखौ फैलाव गुवार साहसि धैर्यशील खालामनो थाखाय बर'फोराबो दावबायनो सोलेंनोसिगौ। दावबायनायाव थागथियारि जानो गोनां मोनैसो गोनांथार खोथाया जादों-

- दावबायनायाव ओंखारब्ला अराय रंजासुलि थामथिम जानांगौ। जेबो जिंगासिनो नाडा। गोसोखौ अराय उदाडै लाखिनांगौ।
- लोमोसे फोलेर एबा सासे लोमो थयोब्ला मोजां। हारिडे दावबायनाया गाहाम नडा।
- दावबायनो गोनां जायगानि सोमोन्दै मिथिना बुजिना लागीनाया मोजां एबा गाइड बुक बायना लानाया मोजां।
- हान्था-मेलानि राहा थानाय, अन्दुनायनि ह'टेल, आलासि थाग्रा न', धर्मशाला आरिनि थं-आरि बुधुमना लानाया गाहाम।

- बिरखं, ट्रेडिन्, बास आरिनि सिगां टिकेट बुधुमना लागीनाया गाहाम।
- दावबायनायनि गासै जमा खरसानि मोनसे बाजेठ थियारि खालामना लानाया मोजां।
- हिन्दी, इंग्रजी, राजस्थानयो सोलेंनो लानांगौ।
- देहाफोरनि थाखाय गोनां मुलिफोर लोमोयाव लांफानाया गाहाम।
- दावबायनायाव गांसे गाइड मैप, रेलवे टाइम-टैबुल, 'खन्थाइ, संद' सल', बिजाब, लाइसि, न'ट बुक, खोलोम लोमोसे लानाया गाहाम।
- रांखौबो बोखावना एसे एसे जुदा-जुदायै लानांगौ, दोन्नांगौ। ट्रे भेलासँ सेक खालामना लानांगौ।
- बांद्राय लागेज लानो नाडा।
- खैफोदाव गोंग्लैयोब्ला पुलिस एबा दावबायनाय बिफाननि हेफाजब लानांगौ।
- दावबायनायाव ओंखारब्ला केमेरा गंसे लानाया मोजां।

खामानिफोराव आगान होगोन बिसेरो गाविनि जीउ लामायाव जेनाजों होसोजागोन। आरोबाव बेनि फिथायखौ इयुन जीउ मोनसेआव थैजासिम मोनो गोनां जागोन। बेनिखायनो जाय लायमोनफोरा गोथार गोसोजों गावबा-गाविनि खामानिफोराव गोसो होदोंमोन बिथांमोनखौबो गावबा गाविनि खामानिफोराव जोगानायखौ नुनो मोन्दै। गुबुन फार्से जायफोरा आय, आफा, धोराम, आसार-खान्थि मानिआ बिसेरनि जीउ मोनसेआव जोगानायखौनो नुनो मोनाखे। बेनि अनगायैबो गोसोआव गोजोन्नाय होन्ना बुनाय सोदोबा बिथां मोननिक्राय गोबां गोजानाव थयो। मानोना धोराम मानियाब्ला लायमोनफोरा बायदिसिना गिञ्जा आरो समाजनि बेरेखा मावनानै गोदाव- सोराव जानानै जेबो खामानियावनो गोसो होनो हाया जानायखौ नुनो मोनो। बे बायदि जाथाया गाविनि जीउ मोनसेआव खहा लाबोनायनि अनगायैबो मोनसे हारिनि सुबुं गोहोनि सुख' हायै खहा लाबोयो। बे लायमोननिफ्रायनो मोनसे हारिनि इयुननि गोगे देदेंनगिरि, लिटरगिरि, राजखान्थिगिरि आरो निस्तारबादि समाज सिबियारि ओंखारनांगौ। नाथाय जाय सासे लायमोननि खामानिफोरा जेबो धोरामनि आसार खान्थि मानिआ बिनि मेलेमा सैथोबादि आरो गोथार जानो हाया। सैथोबादि नडाब्ला मोनसेबो खामानिआव गोसो होनो हाया। बेनि खायनो गोसो फेजायै फोरा फारायसालिफोराव नैथिक सोलेंनोथय फोथायो। मानोना उन्दै समाव जा, जा बाश्रा, आव-फाव फोरा गथ' सासेनि मेलेमाव हावगोन बियो जीउनि गोबां बोसोरहालागै थाफायो जायखौ इंग्राजियाव फर्स्ट इम्प्रेसन इस दि लास्ट इम्प्रेसन होन्नानै बुंनाय जायो। बेनिखायनो बे लायमोन फोरनि जोगानो गोनां समावनो एम्फौ अरोब्ला हारि जौगाहोनो सान्नाया फेलें। नाथाय गुबुन चीन, जापान बायदि जौगानाय हादोरफोरनि लायमोनफोरखौ

नुब्लानो बिसेरदि इयुनाव माबा मोनसे गोगो खामानि मावनो हागोन बेखौ सानफलां गारो। जों बेफोरखौ नुब्लायथय बे बायदि सान्नाया थावनो फैनो नायगिरा।

धोरामखौ दुरुं बायदि बाहायनानै लायमोन फोरखौ होबथानो हायो। नडाब्ला बे लायमोनफोरा नांगौ रोखोमनि खामानियाव गोसो होआ बालानो सोरगिदिं बेले-बेजेखौ लाना फैगोन।

गुबुन फार्सेथिं धोराम सिबिनायाव आयजोफोरनि बिबाना गोबां। हिनजाव माहारिआ हावाफोरखौ गोबां खामानियाव फोसावना मोजां खालामनो हायो। गोबां गात्रि आखुनि फिसायफोरखौबो आयजोफोरा मोजां खालामनायखौबो जों नुनो मोनो। बेनिखायनो असमियाआव तिरिलै गिरि, तिरिलै हथसिरि, होन्ना बुनाय जायो। बेनि सोदोबथिया जाबाय हिनजाव एबा बिसिआ मोजां जाब्लासो नखर थयो। नडाब्ला बियो नखर जानानै थाया। बिबिन्दिनो गोबां मुलुगनि मुंदांखा सुबुंफोरनि जीउनि उन्नथि आयजोफोरनि थुलुंगाफोरखौ जों नुनो मोनो। आरोबाव आयजोफोरनि थाखायनो गोबां सुबुंफोरखौ जोबसांलानायाबो नुयो।

आयजोफोरा नखर गंसेनि आबहावा गोथारथि लाखिनायावबो गोबां हेफाजब होनो हायो। नाथाय बेनि थाखाय नांगोन मोनसे धोराम हारि आबहावा।

जायनि थाखाय बिभाफोरा मोना मोना समाव बाथौ गुदियाव आलारि सावनाय, धुप-धुना सावनाय बायदि-बायदि। बेफोरबायदि सामफ्रोमबो मोनाबिलिआव आसार फालिनायनि लोमोसे धोरामरि बाश्राफोरखौ सावरायब्ला नखरफोरनि आबहावाया मोजां जागोन।

गथ'नि आखुथाय दानायावबो आयजोफोरा गोबां हेफाजब होनो हायो। धोरामनि आसार खान्थिफोरखौ फालिनायनै

गायनि गिञ्जा खामानिफोरा गोजानाव थानानै गथफोरखौ बेफोरनिफ्राय गोजानाव थानो थिनोब्ला गथफोरनि आखुफोरा मोजां जागोन होन्नानै आसा खालामनो हायो। बिभा-बिफाफोरा गथफोरनि सिगाडव नांलाय-खमलाय गात्रि बाश्रा बाहायनायफोरनिफ्राय गोजानाव थानांगौ। बेनि अनगायैबो गिञ्जा खामानिनि फिथायफोरखौ बिभा बिफाया गथफोरनि सिगाडव बेखेवनानै होनांगोन। बेनिखायनो गथजों बाहायनाय आरो बिनि सिगाडव बाश्राफोराव सांग्रां जानांगौ। मानोना बिसेरनि सिगाडव गात्रि बाश्रा बाहायब्ला बेफोर गथफोरनि गोलेँ महाराव गोमोम गोहोम खोख्लैयो। बेनिखायनो जों गात्रि बिभा बिफाफोरखौ जों बांसिनखौनो गात्रि जानायखौसो नुनो मोनो। जौनि बर' बिभाफोरा जौ लोनायफोरखौबो एसेल' नडा गोबां बर' बिभाफोरा जौ लोंसोगारो। आरोबाव जौ लोंनानै गात्रि गात्रि आसार खान्थिफोरखौ गथफोरनि सिगाडव दिन्थिलायबावओ। नाथाय उदैयाव गथ' थाब्लाथाय फेनाय बेसाद जानाय एबा लोनाया गाहाम नडा। बिबिन्दिनो खालामब्ला उदैयाव थानाय गथनि रोदाफोराबो गात्रि जायो होन्नानै देहा फाहामगिरिफोरा बुडे। जायनि थाखाय बे बिमानि गथफोरा मेलेम गोनां जानाया गोब्राब। लोमोसे बे समाव बिमानि सान्नायफ्राबो गाहाम जानांगोन। बेनिखायनो मेलेम गोनां गथ जोमोन होनाया गोलेँ बाश्रा नडा। बेबायदिनो उन्दैनिफ्रायनो धोरामनि सोमोन्दै बिभा बिफाया गथफोरखौ फोरोनांगोन।

गुबुन फार्से बाडालि, मार्वारि बरिनि आयजो फोरखौ गोबां धोराम सिबियारि नुनो मोनो। बेनिखायनो नामा बाडलि फोरा गोबां मुलुग मुंदांखा सुबुं दड। मार्वारिफेरे रंखाथि आयदायव गोबां आवगाय लांदो। बेनि अनगायैबो बिफाखौ गिब्लोबो गथफोरा बिभाखौ गिया।

एससिअनि जथुमयाव उतखारिनि हेँथायै गोख्रों बाश्रा बुंदों मदिआ

गोदान दिल्ली, 11 नवम्बर : गहाय मन्थि नरेन्द्र मदिआ एससिअ जथुमयाव पाकिस्तानखौ थांखिनानै बुंदों, भारतआ उतखारिनि हेँथायै गोख्रोंडै दावहा नांनायखौ फोथायो। भारतआ ओन्सोलयारि गोजोन, रैखाथि आरो जौगाखानायनि थाखाय हाबाफारि मावयो आरो उतखारि, दोहोनखौ खानानै नांनाय, आयेननि बेरैखा हाथियार, ड्रग्स बायदिनि हेँथायै गोख्रों बाश्रा बुडो। बेयो



थामथि एससिअ जथुमामोन, जेराव भारतआ 2017 याव आबुडै सोद्रोमा जानायनि उनाव बेवहाय बाहागो लादों। रुसनि हादतगिरि ब्लाडिमिर पुतिनिनि सामलायनायाव जानाय बे जथुमयाव पाकिस्ताननि गहाय मन्थि इमरान खान आरो चीननि हादतगिरि शी जिनिपियाबो बाहागो लादों। मदिआ बुंदों सा 50 सांन्थिफोरा इउएन गोजोन अभियानआव बाहागो लादों। बेजों लोगोसेनो गहाय मन्थि मदिआ करना

समाव भारतनि फार्मा उद्यमआ दर 150 निफ्राय बांसिन हादतफोरनो गोनांथि मुलिफोरखौ दैथाय हरदों। गहाय मन्थिआ एससिअजों लोगोसे भारतनि गोख्रों आरिमु आरो जारिनिनारि सोमोन्दोखौबो सावगारिबोदों आरो हारिमायारि सा-खोला हान्था मेला लामा, जाबहार पर्ट आरो अस्माबत रादाय खानाय बादि सान्नाय-हनायजों लोगोसे ओन्सोलाव कानेकिटिभिटि गोख्रों खालामनो थाखाय भारतनि समाय खिरा लानायखौबो फोरमायो। गहाय मन्थि नरेन्द्र मदिआ एससिअ दैदेनगिरिफोरनि सिगाडाव गावनि सोमोन्दो लानायवाव हादतगिरि ब्लाडिमिर पुतिननो कभिड-19 इनफेक्सननि जाहोनाव जेना सोमजिब्लाबो जथुम खुनायनि थाखाय गहाम हामलायथि बावहरदों। गहाय मन्थिआ फेगौ बोसोराव एससिअनि जथुमखौ सामलायनो नागिरनायनि थाखाय ताजिकिस्तान गणराज्योनि हादतगिरि इममाली रहमननो गहाम हामलायथि बावहरदों आरो भारतआ आबुडै हेफाजाव होनायनि बादाय होदों।

भारतआव दासिम 80 लाख सुबुंफोरा करनाखौ फेजेन्नो हाबाय

गोदान दिल्ली, 11 नवम्बर : हादतआव करनानिफ्राय मोजां जानाय बेरामिफोरनि अन्जिमाया एखराहायै बांदों। भारतआव दासिमआव 80 लाखनिफ्राय बांसिन सुबुंफोरा करनाखौ फेजेन्नो हाबाय। बेजों लोगोसेनो हादतआव करनानि सांन्थि केसआ 5 लाखनिफ्राय खम जाबाय। जेराव करनानि थासारियाव सोलायनायखौ नुनो मोन्दों। मिरुनि गहाम देहा मावख'नि गोदान अन्जिमानि बायदिव्ला हादतआ थांनाय 24 घन्टायाव करनानि 44,281 गोदान केसखौ मोन्नाय जादों। बे समाव हादतआव करना



बेरांमजों 512 सुबुंफोरा थैदों। करना बेरामखौ फेजेन्नो हानाय बेरामिफोरनि अन्जिमाया 80 लाखनिफ्राय बांसिन जाबाय। आधिखालाव इनफेक्सन जानायनि अन्जिमायाबो 86 लाखनिफ्राय बांसिन जाबाय आरो दासिमआव 1.27 लाखनिफ्राय बांसिन सुबुंफोरा थैखांबाय। गहाम देहा मावख'नि बायदिव्ला बेरामिफोरनि मोजां जानायनि बिबांआ बांनानै 92.79

जोखोन्दो आरो थैनायनि बिबांआ दावखलायनानै 1.48 जौखोन्दो जाबाय। दासिमआव मोन्नाय अन्जिमानि बायदिव्ला, हादतआव बयनिखुइ बांसिन गोदान केसआ दिल्लीआव थिसनजादों। दिल्लीआव 7,830 गोदान केसखौ मोन्नाय जादों। सानसेआव मोन्नाय माहारियारि राजथावनि दासिमनि बेयो बयनिखुइबो बांसिन अन्जिमा। बेनि सिगां रबिबारआव बयनिखुइबो

बांसिन 7,745 गोदान केसखौ मोन्दोंमोन। दिल्लीआव गासै इनफेक्सन जानायनि अन्जिमाया 4.51 लाख सौहैबाय। जेराव 83 सुबुंफोराबो थैखांबाय। थैनायनि अन्जिमाया गासै 7,143 जाबाय। उतर प्रदेशआव 2,155 गोदान केसफोरजों लोगोसे गासै इनफेक्सन जानायनि अन्जिमाया 5 लाखनिफ्राय बांसिन जाबाय। सोनाब बंगआव 3,891 गोदान केसखौ मोन्नाय जादों आरो गासै बेरामिफोरनि अन्जिमाया 4.43 लाख जादों। सोनाब बंगआव 53 आरो उतर प्रदेशआव आरोबाव 30 बेरामिफोरा थैदों। दरनेबो राइज्योफोराव थैनायनि अन्जिमाया 7,403 आरो 7,251 जादों। केरैलायाव 6,010 गोदान केसखौ थिसननाय जादों आरो बेखौ सरजाबनानै दासिमआव मोन्नाय पजिटिभ केसनि अन्जिमाया 4.95 लाख जादों। राइज्योआव 28 आरोबाव बेरामिफोरा थैदों।

बिसायख 'थियाव देरहानानै नीतिशआनो बिहारनि गिबि मन्थि जागोन :मदि

गोदान दिल्ली, 11 नवम्बर : बिहार बिसायख 'थियाव 16 घन्टा भट सानखानायनि उनाव देरहानायनि सावगारिया रोखा जादों। तेजस्वी यादबजों लोगोसे गोख्रोंडै बादायनायनि उनाव जोबथायाव नीतिश कुमारआ देरहानो हादों आरो 125 मासिफोरजों लोगोसे बिहारयाव फिन खनसेवाव एनडिपिन सरकार जानो नागिरदों। जुथाय पार्टि एबा एनडिपिआ बिहार बिधान सभानि 243 मासिफोरनि गेजेराव 125 मासिफोरखौ देरहानो हादों। नीतिश कुमारआ त्रैथि खेब बिहारनि



गिबि मन्थि जानो नागिरबाय। बे खेबआव रास्ट्रीय जनता दलआ 75 मासिफोरखौ देरहानो हादों। बिजेपिआ 74 मासिफोर, जेडिइआ 43 मासिफोर, बिकासशील इंसान पार्टिआ 4 मासिफोर, हिन्दुस्तानी अबाम मर्चांआ 4 मासिफोर, कंग्रेसआ

19 मासिफोर, भाकपा मप्लेआ 12 मासिफोर भाकपा आरो माकपाआ 2-2 मासिफोराव, एआइएमआइएमआ 5 मासिफोराव, लजपा आरो बसपाया मोनसे मोनसे मासियाव देरहानो हादों। मोनसे मासियाव उदां बिजाथिया देरहानो हादों।

हादत, धोरोम, आरिमु आरो समाजनि थाखाय नांथाब बोदोंमोन दत्तपन्त ठेगड़ीया : महन भागवत

गोदान दिल्ली, 11 नवम्बर: आरएसएसनि गहाय महन भागवतआ मुंदंखा सावरायगिरि आरो समाजशास्त्री दत्तपन्त ठेगड़ीनि 100 बोसोपरि जोनोम सानयाव डा. भीमराव अम्बेडकार स्मारक सभागारयाव 'दत्तपन्त ठेगड़ी : दा एकट बिस्ट पार्लियामेन्टारियान' खौ बेखेवनानै बुंदों बियो गावनि जिउखौ हादत, धोरोम, आरिमु



आरो समाजनि थाखाय बाउसोमदोंमोन। बियो सासे

फोथाय-जाथाव सुबुंमोन। बियो भारतनि आसारखान्थिखौबो जौगाखौ होदों। 1964 निफ्राय 1976 सिम बियो राइज्यो सभानि सोद्रोमा जादोंमोन। बेद उपनिषदखौ बियो मोजाडै मोनथिगौ। दत्तपन्त ठेगड़ीया सुबुंफोरनि गहामनि थाखाय हाबाफारि मावयोमोन। बियो संघ गायसनिगिरि डा. केशव हेडगेवार, गुरुजी आरो बाबासाहेब डा. भीमराव अम्बेडकारजों हाबाफारि मावदों।

गोदान दिल्ली, 11 नवम्बर: भारतयाव जाग्रा आदार बानायनो गेस बाहायनायनि सायाव बांसिन बोलो होनाय जादों। नाथाय सुबुंफोरा गेसनि जायगायाव बनजों अदाबयाव संनाय जाग्रा आदारखौसो साबसिन मोन्दों। सार्भेनि बादिव्ला भारतआव मुलुगनि गुबुन हादतनि रुजुनायाव सुबुंफोरा बन, खैला बादिखौ बांसिन बाहायो। इउ एननि एसडिजोयाव गासिबो गेसखौ जगायना होनो थांखि लादों। भारतयावो बेनि सायाव मुं सायदों। बिगियानगिरिया अन्ध प्रदेशनि चिलुर जिल्लानि दर 4 गामिफोराव बेनि सोमोन्दै आयजोफोरजों लोगोसे सावराय लायदों। बियो बुंदों दर 4 गामिफोरनि गेजेराव दर 2 गामिफोरा जाग्रा आदार बानायनो गेसनि महराव दंफांखौ बाहायो। गुबुन दर 2 गामिफोरा बांसिन एलपिजि गेसखौ



बाहायो। बिगियानगिरिफोरनि बादिव्ला गेसनि महराव बनखौ बाहायग्रा बांसिन आइजोफोरा हमादंआ लादोंदि, गेसखौ बाहायब्ला गावसोरनि रांखान्थि जौगाखांगोन, मानोना बन फान्नानै माखासे रांखौ खामायनोबो हायो। गुबुन फासैथिजाय गामिनि माखासे सुबुंफोय हमादंआ लादोंदि, गेस बाहायब्ला रांखान्थिया गोबां खरस जायो आरो बेजों जाग्रा

गोदान दिल्ली, 11 नवम्बर : भारतआ थांनाय मंगलवार खालि बुंनाय बायदिव्ला, बिसोर करना भेक्सिननि थाखाय हादत आरो गुबुन हादतनि गासै भेक्सिननि बानायग्रा कम्पानीफोर जों लोगोसे सावरायगासिनो दड। बेनि सानसे सिगां आमेरिकानि मुलि कम्पानी फाइजर आरो जार्मान मुलि कम्पानी बायएन टेकआ बुंदोंमोनदि, बिसोरनि करना भेक्सिनआ 90 जौखोन्दोयै जाफुसारेनो हादों। बेनि सोमोन्दै मिरुआरि सावसि सेक्रेटारि राजेश भुषणआ बुडोदि,

जेबायदियै सावरायनाय जादों बेयो खालि भेक्सिननि जौगाखांनायखौ लानानै'बेनि थाखाय गोनां जानाय लजिस्टिक आरो भान्डारणनि सुबिधाफोर आरो डूप बायदि गासै आयदादि सायाव सावरायनाय जायो। बिथाडा बुंबावदों थासारिया सोलायगासिनो दड। बेनि गेजेरजों जेब्ला बबेबा भेक्सिनआ जोबथा महैरै थियारि जागोन आरो नेमखान्थि बायदियै गनायथि मोनगोन अन्लासो बेनि सोमोन्दै खौरां होनाय जागोन।

हादत आरो गुबुन हादतनि गासै भेक्सिन दिहुनग्राफोरजों सावरायगासिनो दड भारतआ

आमेरिकानि सुबुंफोरा करना भेक्सिनखौ फैगौ डिसेम्बर दाननिफ्राय मोनजेनिसिगोन

गोदान दिल्ली, 11 नवम्बर : करना भाइरासनि खेफोदआ दासिमबो मुलुग नाडैनो गोसारनानै दड आरो माखासे जर 'खाफोरनि बुंनाय बायदिव्ला जेब्लासिम बेनि भेक्सिनआ फैया अन्लासिम बेयो जॉनि जिउनिफ्राय जानगार जानाय नडा। बेनि गेजेरजों आधिखालाव मुलुगनि आलादा आलादा हादतफोराव करना भेक्सिन बानायनायनि हाबाफारिया सोलियासिनो दड। बेनि सोमोन्दै आमेरिकानि मोनसे कम्पानीया दाबि दैखांदोंदि, बिसोरनि बानायनाय भेक्सिनआ करना भाइरासनि सायाव 90 जौखोन्दो गोहोम खोख्लैनो हायो आरो डिसेम्बरनिफ्राय आमेरिकानि नोगोरारिफोरनि गेजेराव रोखायै रान्नानै होनायनि यजना बानायगासिनो दड। बे भेक्सिनखौ Pfizer आ जार्मान पार्टनर Bio N Techs See जों लोगोसे



दिहुनगासिनो दड, बेयो कभिड-19 नि हेँथायै 90 जौखोन्दोयै गोहोम गोख्रोंडैमोन। बेनि गेजेरजों मुलि बानायग्रा आमेरिकानि कम्पानीआ बुंदों बिसोर रैखाथि गोनां डाटाखौ थाबैनो मोनगोन, बेनि उनाव बेखौ आमेरिकानि जाग्रा आदार आरो मुलि फसंथानजों लोगोसे बाहायनो थाखाय आर'ज

गावगोन। अजारआ खौरांगिरिफोरनि सिगाडाव जुथाय राइज्यो आमेरिकाआ दानफोमबो फाइजर भेक्सिनखौ गासै 2 कौटि डूप मोनगोन बुंदों। अदेबानि 10 कौटि डूपनि थाखाय आमेरिकानि Pfizer जों लोगोसे 1.95 बिलियन डलारनि क्टाक्ट दड, जाय 50 लाख सुबुंफोरनो टिका होनायनि थाखाय थोजासे जागोन।

मार्च दानसिमाव गासिबो बैंक एकाउन्टखौ आधार कार्डजों लिंक खालामनांगोन : रांखान्थि मन्थि

गोदान दिल्ली, 11 नवम्बर : रांखान्थि मन्थि निर्मला सीतारमणआ 31 मार्च 2021 सिमाव गासिबो बैंक एकाउन्ट बाहायगिरिफोरखौ आधार नम्बरजों लिंक खालामनो थाखाय बाश्रा बुनो बैंकफोरखौ बिथोन होदों। सीतारमणआ इन्डियान बैंक एस'सियेसन (आइबिए) नि 73 थि बोसोरारि सरासन्मा जथुमाखौ सोमोन्दो लानानै बुंदों रांखान्थि हाबाफारि मावनाया दासिमबो जोबनानै थडाखौ आरो बैंकफोरा बे हाबाफारिखौ आवगय होलां नांगौ। दासिमबो गोबां सुबुंफोरनाव बैंक एकाउन्ट गैया। नाथाय



थाखाय टेकनलजिखौ बाहायनो हागोन। बैंकफोरा डिजिटेल रांखान्थि होनाय हाबाफारिखौ थुलुंखां होनांगोन। बैंकफोरा रुपे कार्डखौ गुबुन कार्डनिफ्राय बांसिन फोसार्वदि खालाम नांगौ।

NOTICE

WRITTEN TEST FOR THE RECRUITMENT OF DRIVERS

It is hereby notified that the Written Test for recruitment of Drivers in the Office of the Commissioner of Taxes, Assam, as per the Advertisement No. CE-30/2019-86 dttd. 03/09/2020 will be conducted on 22/11/2020 (SUNDAY) at the office of the undersigned. The details of the shortlisted candidates and their Admit Cards containing instructions will be available on the website <https://comtax.assam.gov.in> w.e.f. 13/11/2020. Shortlisted candidates are requested to download their Admit Cards from the above website before 22/11/2020.

Sd/-

Commissioner of Taxes, Assam
Dispur, Guwahati
JANASANYOG/D/6801/20

NOTICE

WRITTEN TEST FOR RECRUITMENT TO THE POST OF LOWER DIVISION ASSISTANT AT THE DISTRICT FACTORY OFFICE, NAGAON (Vide Advertisement No. Janasvno/D/2710/20. published on 17th August, 2020)

The written test for the said post, will be held at the Industrial Training Institute, (ITI), Nagaon, S.M. Road, Panigaon Chariali, P.O.-Itachali, Dist:- Nagaon, Assam, Pin-782003 at 10.30 AM on 6th December, 2020 followed by Computer Practical test. Individual "Call Letters" in this regard have been issued to the eligible candidate and sent by post. Candidates are to bring original copies of all the testimonials for necessary verification to the test venue.

The list of eligible candidates, who have been asked to appear in the written test has been uploaded in our website www.ciflabour.assam.gov.in.

Eligible candidate(s) who does not receive call letter sent by post, may collect the duplicate copy of the same w.e.f. 3rd December, 2020 from the District Factory Office, Nagaon, Amulapatty, B.B. Road, Near Mukut Sharma Chariali, P.O.: Itachali, Dist.: Nagaon, Assam, Pin: 782003 during office hours by providing suitable identity proof.

Sd/-

Chief Inspector of Factories,
Assam, Guwahati-40
JANASANYOG/D/6794/20

बैष्णव देबि मन्दिरनि खाथि-खालायाव दावबायनायनि माखासे मोजां जायगाफोर दड

गोदान दिल्ली, 11 नभेम्बर : गोबां सुबुंफोरा बैष्णव देबि दर्शनखो धोरोमारि दावबायनाय मानिनाने लायो। नाथाय बैष्णव देबिनि खाथि खालायाव दावबायनायनि माखासे मोजां जायगाफोर दं।

(1) हिमालयनि शिबालिक हाजोयाव थानाय पाटनी टपआ जम्मु आरो काश्मीरनि बयनिखइबो मुंदांखासिम हिल स्टेसन। उधमपुर जिल्लायाव थानाय पाटनी टपनिफ्राय चिनाब दैमाया



बोहेलाडो। देबदारु बिफां आरो गुबुन गुबुन बिफां-लाइफांजों बुफबना थानाय पाटनी टपआ मिथिंगानि समायनाजों बुंफबनाय। बेवहाय हार्स राइडिं आरो सर्ट ट्रेकिंको खालामनो हागोन। गुसु बोथोराव बे जायगाया बरफजों खोबफबना थायो। बेवहाय स्कीइनि रंजानायखोबो लानो हागोन। पाटनी टपआ जम्मुनिफ्राय 112 कि:मि: गोजानाव दं। जम्मुनिफ्राय पाटनी टपआव टेक्सि आरो बासजों सौहेनो हागोन। बेनिफ्राय बेवहाय सौहेनो थाखाय 3-4



घन्टा सम लायो। बेनि खाथियाव रेलवे स्टेसन उधमपुर दं। (2) कुदआ उधमपुर जिल्लायाव थानाय दरसे फिसा गामि, जाय जम्मुनिफ्राय 106 कि:मि: गोजानयाव दं। बेयो मोनसे समायना पिकनिक स्पट। गुसु बोथोराव बेवहाय थांब्ला उलनि रोजा सि गानानांगो। जेराव गरम बोथोराव सरासन्सा ड्रेस गानांगो जायो। बेयो उधमपुर जिल्लानि फुरायै जोगाखांनाय हिल स्टेसन। गरम बोथोराव बेवहाय गोबां अखा हायो बेवहाय थानो थाखाय माखासे जायगाफोर दं। टेक्सि एबा बासजों बेवहाय दावबाय हैनो हायो, जायनि बेसेनखो सरकारआ गिबियावनो थि खालामना होखादों।



निजिरा

बेसे समायना बेसे रमायना
बोहेयो नों अरायबो बुहुम बिखायाव,
रंजाहोयो आरो गोमोहोयो नों
बुहुमनि साफ्रोमबो सुबुंनो,
नोंनि बे हायना महरखो।
मादि गोहो दं सानख 'हाया,
जेरै साग 'र आरो लैथोनि
दैखौ बुंनो फोजोबनो हाया।
नाथाय नोंबो थिखिल-खिल
खम नडा माथो,
गावनि मिनिस्लु महरखौ दिन्थिनायाव।
बे रानजिंगासे महरखौ लानानै,
बोहेगासिनो नों अरायबो मिनिबाला
रंजा-खुसि बे बुहुम बिखायाव।
फागुननि जावलिया बारनि बुबधिनायाव
नोंनि साखाथिसिम सहैदोंमोन आं,
खेबसे नुजेन्नायावनो गब 'नादोंमोन आं
गोथौ नडाब्लाबो नोंनि बे,
हायना सारफावनाय थौले दैयावनो।
सिखांनो नाजाब्लाबो हायाखै आं,
नोंनि बे थौले दैनिफ्रायनो,
सानसिनांगसिनो आं सान-हर
दासान्दि नोंनि बे थौले दैआवनो।

मुस्रि मोकथां बसुमतारि
गामि - खोला टेडापारा
कक्राझार गबर्टमेन्ट कलेज



बेवहाय ट्रेकिं आरो केम्पिं खालामनो हागोन। (3) कटरानिफ्राय 15 कि:मि: गोजानयाव झज्जर कटली दं। बे जायगाया बयबो सुबुंफोरजों अन्साय जानाय पिकनिक डेस्टिनेसन। झज्जर कटलीआ नेसनेल हाइवे 1 याव दं। झज्जरनि गोमो हैमा आरो बेनि सेराव थानाय गुफुर अन्थाया गोबां सुबुंफोरनि गोसोखो बोनो हायो। बे ओन्सोला गोबां गोजोन सुदेम आरो गोबां सुबुंफोरा बे जायगायाव होंगो दोंगो जाया।

(4) जम्मुनिफ्राय 125 कि:मि: गोजानआव थानाय बटतआ



दरसे फिसा हिल स्टेसन, जाय जम्मु-श्रीनगर नेसनेल हाइवेयाव दं। बे जायगाया आपेल बागाननि थाखाय मुंदांखा। बेवहायनि गुदु हाग्रा बारियाव कम्पिंको खालामनो हागोन आरो चिनाब दैमानि सेराव गोजोन समखौ हगार हरनो हागोन। बेवहाय थानो थाखाय माखासे सेल्फ कन्टेन हट दं, जायखौ बाहायाव लानो हागोन। बेवहाय इई रुम आरो बेडरूमनि अनगायै एलपिजि कानेक्सनजों लोमोसे ओंखाम संप्राबो दं।

खौसेथि

मुस्रि गलक चन्द्र बसुमतारि

जाथाय नडा बियो मुगानि आन्दोआव
सम नडा बियो बायगर गोसोआव
बिखा आंनि बाखदाव खाडो।
बै बुब्लिनि जाथाय फोरखौ...
आय, बर' हारिनि थैनि जुजिलायनाय।
नाथाय, रावबो मालाय नडाजों,
नडा जों हारसा, गंगार बिहारी।
जोंलाय बर' बिमानि आगोमा फिसासो।
जेराव थानांगोन बर' नि खौसेथि
सुबुंथिनि गेजेराव गेरमसा बिफां,
बेनो हारिनि समायना बड'लेण्ड।
नाथाय दिने फिन्नाय गैयै गारानि सोगोम नायाव
मा ओंथिनि थाखाय बेफ्रावखो।
बर' बिमानि मोदै ना मिनिनाय ?
ना सम खान्थिनि गुबुंले मासि...
बर' माहारिनि थैनि बाना...
ना बर'नि गेदेमा सिनायथि।

जोंनि गामि

समायना-रमायना बे मिथिंगानि
सोमखोर गोथां बे अरन बारियावनो
जोंनि न'बथि फसंदों
गय, खान्थाल-थाइजौनि ग्रोम-ग्रोम
बै नुहरनायानो जोंनि गामि।
मैदेर, मोसा, लखा, मोसो-मैसोनि आंगो लोमो
बैसागुआ फेदों आरो थादों
गामिनि सेंग्रा-सिख्ला, बोराय-बुरैया
रंजा-बाजा बरायदों आरो हगार हरदों
बोसोर सालियानि सुखु-दुखुखौ बावगारदों
बेसेबांआ आलो-आलो संसार
जोंनि गामिया
गैया एना-एनि, सुभ्रा-सुथ्रि
गोरोन्थि जादों सुदायदों
बिखा मोनसेजोंनो गोबा फिन्दों
बेफोरनो जोंनि अरायथा गामि

मनजित बसुमतारि
बडाइगाव कलेज

रंजालि गथ' फोरनि सौरा

(गथ 'फोरनि सल)

(फ्रान्सनि सल 'बाथा)

गुबै : चित्रभानु

रा:सो:- धरिन्द्र नाथ बर'

“जा”

या
उन्दैनिफ्रायनो अखा। बिनि अखाया जेन सानफा एफा बांलांदोंसो। बिखौ लानानैनो बिमा-बिफाया गोबां साननांगो जायो।

सानसेखालि बिमाया न'आव थानाय गाय मोसौखौ खाथियावनो थानाय सप्ताहसेयारि हाथायाव फानहैनो जा' खौ थिनहरो। लोमोसे गले गले बुंहरखायो “नैजौ फ्रान्कनि थाइसेबो खमाव फाननो नाड। बायग्रा मानसि मोनाब्ला न'नि मोसौ न'आव लानानै फैंफिन।”

मोसौखौ लानानै जाया हाथायसिम सौहैयो। लामायाव सासे मानसिया लोमो मोननानै जाखौ सोडो, “मालै बहा थानो? हाथायाव थानो नामा? आरो बे गाय मोसौखौ फानगोन नामा? बेसेबां मोनबा फानगोन? जा या बुडो, “आया नैजौ फ्रान्कनि खमाव फाननो होयाखै। नोंथाडा लायोब्ला लानो हागोन। जोबोद मोजां गाय मोसौ। गुफुं।

मानसिया सानो, जोबोद अखा बेफारि, खाबु मोननायावनो बियो इसेल' बेसेन होनानै मोसौ गायखौ लानानै थाडो। गोसो खुसिजों जा या न'आव गिदिं लांफिनो। लामायाव सासे फालांगिरिया माखासे सेसा लानानै फानगासिनो दं। सेसाफोरखौ नुनानै बिहा अनखांनाय सोमजियो। मोसौ गाय फाननानै मोननाय रांखिनजोंनो बियो मासे सेसा बायनानै मोसा-मोसा न'आव सौफैयो।

न'आव सौफैयाने बियो होसिखाव होसिखाव बिमाखौ गावखावनानै बुंहरो, “आयै, आयै, नायफै, मा एसे समायना फिसा मोसौ गाय बायनानै लाबोदों आं। नायबायथा बेबो सानसे सिगांनि मोसौ गायबादि गिदिर जागोन आरो बेनिखुइबो बांसिन समायनासिन जागोन। अब्ला जों बेखौ फानोब्ला सिगांनिखुइबो बांसिन बेसेन मोनगोन।”

अमाखौ दोंसे दिरं जों लानजायाव गोरा खाबथानानै बिमाया खर गिदिंखांनो हमो।

रजे

बिरखोदाव

अ' रजे
नों बहा खारखोमा लांखो आंखौ नागारना ?
फैंफिनदो रजे
नोंखौ नेनानै दं आं
लैथोनि नैबे रुगु जिडव।
अ'--- रजे-
नोंहा मा लुबेनाय दंमोन ?
नोंखौ मोनो थाखाय
लैथोनि बै मारुआव थानाय
फामि बिबारखौ नोंनो नांगौमोनब्ला
गुवार लैथोखौ सानसिनानैब्लाबो-
लाबोना होफैगौमोन आं नोंनो।
नाथाय
नों मानो आंखौ नागार लांखो रजे
आंनि जिउनि लामाखौ खालामखो
मानो नों बेले-बेजे ?
बहा दं दा नों रजे, आंखौ नागारना ?
बहा मोनो दा रजे आं नोंखौ ?
हे, जोमै राजा इन्द्र
नोंथ' बुहुमनि गासैखौबो नुजोबो
आंनि रजेआ बहा दं
आंनो रादाव होफै
आंनि जिउखौ गोजोनगलाय होफै।



होनबावनो मा आं

होनबावनो नोंनि सिगांयाव मा आं
मोनथिनो सोर आंनि दाहाखौ दुखुखौ
सानो आं बावगारनो महरखौ नोंनि
मोनो नाथाय होबायनों आंखौ दुखुनि मोदे।
नोंखौ आं आंगौमोन लानो बजबनानै
आंनि नाथाय जिउआव दुखुथिया मानोबा
मोनो आं लाजिनाय मुगैनाय मानो
आंनि मोदैनि थरथिंसे दाहारखौ मानोबा।
सुरनांखो मानोबा आं सुखु-दुखुनि हांमा
आलारि बाथि अरायसमनि लानानै
गुगुब हाथु खरायनानै “बाथौ” बोरायनाव
बोर बियो आं आफा “शिव” बोरायनाव।
गैया गोसो होनो बिसोरखौ थैवबो
सोरनोबा होदों दोन दौलर बिसोरबो
होदों गरिब-गुन्द्रा सोरनिबा नखराव
इसोरबो बेबायदिनो सिनाय मोनला गरिब गुन्द्रा।
गैयामोन एना-एनि सुबुं माहारि गेजेराव
खौसेयाव थानायमोनब्ला सुबुं माहारिआव
जिउ खोमानांखो सोरबाबा आस 'खन्दा,
जानानाय नडामोन थैनि बाना सोरबाबा।
बुथार जानाय नडामोन सोरबाबा नायगार नायगार
जाथाय गैयामोनब्ला बेफोर बायदि-
गासैबो सुबुंयानो बिदा-फेबाय, बिमा-बिफा
सुख सान्थिडे रायजोजानाय बायदि नखरसेयाव।
मालायखौ मुगै नाड बेफोरखौ सानानै
सोखारिनो नडा, गुबुन हारिखौ
देरगानो नाड गावनि दोन दौलरखौ लानानै
बेफोरजादों दिने राजा, गावनि फोरजा।
गेलेनाय गासैबो इसोरनि माइआसो-
रावबो रावखौ खालाम नाड हेंथा हेसि
मालाइनि जानाय थाखायखौ दुसिनाड
बयबो रावनिनो आंगो बिमा-बिफा।
रावबो नडा, गावनि आंगो असे”-

मुस्रि मोकथां कुमार ब्रह्म
गामि - शामधरपारा।



(1 बिलाडनिफ्राय)

(1 बिलाडनिफ्राय)

(1 बिलाडनिफ्राय)

बिपिएफनि मावफुं आफादगिरि मासिनिफ्राय एमपि बिस्वजित दैमारिआ बिबान एंग्लायबाय

मिबथिनो मोन्नाय बादिक्ला, एमपि बिस्वजित दैमारिआ भारतीय जनता पार्टीआव जइन्ट जानो हागौ। बेराफासैं बिथाड बिपिएफ दोलौनि मावफुं आफादगिरि मासिखौ नागारदौब्लाबो सासे साधारन सुबुं महरै गावखौ बिपिएफनि सोद्रोमा महरै दइ होन्नाई बुंथियो। बिपिएफ दोलोखौ मानि थाखाय नागारनो गोनां जाखो होन्नाई खौरंगिरिनि सोंथि सौनायाव एमपि दैमारिआ बुडोदि, आनि मावनाय आरो सान्नायजौं बिपिएफ दोलोनि मावनो लानाय माखासे खामानिफोरव गोरोबलायैनि थाखायनो बे थांखिखौ लानो गोनां जादौं आरो फैबाय थानाय समफोरव बिपिएफ हान्जानो माबाफोर खामानियाव हेफाजाबनि गोनांथि जायोक्ला हेफाजाब होनो नाजागोन होन्नाई बिस्वजित दैमारिआ बुंथिबावो।

तामुलपुरआव सोलायनायनि थागिदायाव इउपिपिएलनि गेदेरथार सुबुं गौमा

बाहागो लानानै गावनि बिबुंथियाव प्रमद बर'आ बे खेबआव बिटिसि हालामनि राइजो-राजाफोरनि गांनाय-उखैनाय, खैदां-खेफोद आरो जेंना-जेंसिफोरखौ बोखानानै सरासन्खा सुबुंफोरनि जौगाथाय आरो ओन्सोलाव सोलायनाय लाबोनायनि थाखाय बे खेबआव इउपिपिएल हान्जाया बिटिसिआव सरकार दानो थांगासिनो दइ होन्नाई बुंथियो। लोगोसे बिथाड बुंवावोदि, थानाय 17 बोसोर समाव हाग्रामा महिलारि दैदेन्नाय बिटिसि सरकारआ जाख्ल 'नाय आरो गेनाखान्थिजौं लोहाबबोदौं। सरासन्खा राइजो-राजाफोरनि मोन्नांगौ मोन्थायफोरखौ बिटिसि सरकारआ नासयबोदौं आरो गादबनानै थगाय-थसि खालामबोदौं। बेनि थाखायनो दिने इउपिपिएल हान्जाया बिटिसिआव मोनसे गोदान आरो मोजां खुंथाय गायसन्नो थांगासिनो। जाय सरकार एबा खुंथाया गासै थाखोनि सुबुंफोरनि थाखाय समान जौगाथाय आरो अन्सायलु खामानि मावनो थांखि लादौं। बे मेलआवनो खौरंगिरिफोरजौं मोगा-मोगि जानाय समाव प्रमद बर'आ बुंवावोदि, थानाय 17 बोसोर बिटिसि सरकार सालायबोनाय बिपिएफ हान्जाया दिल्ली आरो दिसपुरआव सरकार सालायनाय हान्जाजौं लोगोआव दंबोयोमोनि। बिथांमोनहा बे समनि गेजेराव गोसो जायोमोनक्ला बिटिसिआव गोबां जौगानाय लाबोनी हायोमोन, नाथाय एसेबां खाबु मोनसेयावबो बिपिएफआ बिटिसिनि थागिबि सुबुंफोर, गोरिब-गुन्द्रा आइ-आफामोननि थाखाय जेबो जौगानाय खामानि मावनो हायाखिसै, बर'राव थुनलाइ हारिसु जौगानायनि थाखाय जेबो खामानि मावनो हायाखिसै। बेजौं लोगोसेनो बुदि बिपिएफ हान्जाया नाजायोमोनक्ला आरो हेफाजाब होयोमोनक्ला सिगां समावनो बर'फोरनि गेदेर दाबिआबो जाफुं गौमोन आरो मोखथां महर मोनगौमोन। बिथाडा बुंवावोदि, बिटिआर गोरोबथानि दफाफोरखौ मावफुं नायनि गेजेरजौं बे हालामनि राइजो-राजाफोरनि जिउ खां राहायाव सोलायनाय फैगोन, ओन्सोलाव गोबां जौगानाय फैगोन आरो जोबथें सालिआव थानां नाय बारग' एनडिएफ बि बिदा-फं बायमोनखौबो जोबथें सालिनिफ्राय उदां खालामनानै लाबोनो हागोन। बेनि गेजेरजौं गासै बिथिडव राइजो-राजाफोरा जै-जै मै-मैये जौगानो हागोन आरो गोजोन खौसेथियै थानो हागोन। बेनि थाखायनो बिटिसि हालामनि राइजो-राजाफोरा सोलायनो हास्थायनानै इउपिपिएलखौ हेफाजाब खालामनो थाखाय लोब-लोब सिगांबोदौं आरो हारिनि, ओन्सोलनि आरो जौगानायनि फासैं सान्नो रोडै हाग्रामा महिलारिनि बिपिएफ हान्जाखौ बिदाइ होनांगौ होन्नाई इउपिपिएलनि आफादगिरि प्रमद बर'आ खौरंगिरिफोरनि सिगाडाव फोरमायथिबावो।

(बिटिसि बिसायख 'थिआ जोबनायनि उनावनो हाग्रामा महिलारिआ बिजेपिआव हाबगोनः सान्तियास कुजुर)

बिटिसिआव बिपिएफआ 15 बोसोर खुंथायनि गोहोआव थाबोनानै बे ओन्सोलनि सरासन्खा राइजो-राजाफोरनि थाखाय जौगाखांहोनानयनि खामानियाव बाहायनांगौ धोनफोरखौ गावसिनि मुलाम्फानि थाखायल' दोनबोदौं। गोबाव बोसोर सम बिटिसि सालायबोसेयावबो बिपिएफ हान्जाया राइजो-राजाफोरनि थाखाय मोनबो जौगाथाय खामानि मावनो हाबोयाखिसै। बिथांमोनहा गाव-गावनि थाखाय धोन आर्जिनायावल' मुखुबै नांथाबबोदौं। बेनिखायनो बे खेबआव बिपिएफ हान्जाया राइजो-राजाफोरजौं नासयजाबाय आरो बिसोरनि जेन्नायावो फैगौ बिसायख 'थियाव रोखा जाबाय। कुजुरआ बुंवावोदि, फैगौ 15 डिसेम्बरनि सिगांनो बिजेपिआ बिटिसिआव सरकार दागोन। जिल्ला बिजेपिनि आफादगिरि कार्टिक बर'आ जागायनाय बे खौरंगिरि मेलआव राइज्योयारि बिजेपि मावफुं आफादनि सोद्रोमा प्रनब नारायन देबआबो बाहागो लानानै बुडोदि, बिटिसिआव बिपिएफनि दिनआ थुंगेबाय आरो बिपिएफनि गासै दैदेनगिरि आरो मावथिफोरा बिसायख 'थि जोबनायनि उनावनो फारि-फारियै बिजेपिआव हाबफैनायनि लामा लासिगोन होन्नाई बुडो।

हुदुमखाटायाव बि पि एफनि सुबुं गौमा

सोंखारिनानै बुडोदि, समाजयाव बेरेखा-बेरेखि सोमजिहोग्रा बि जे पिनफ्राय जानगाराव थानो थाखायबो एम एल ए नाज्जिआ राइजो-राजाफोरखौ खावलायो। मेलयाव बाहागो लानानै सराइबिल बिबायनि बि पि एफ बिजाथि मृतुन्जय नाज्जिआ बुडो- बि पि एफ दोलौनि गाहाय थांखिथानो जादौं बि टि सिनि गासैबो हारि-माहारिफोरखौ खौसे खालामनानै बयनिबो जौगाखानाय लाबोनाय। बि टि सिनि जौगाखानायखौ गोखैथार खालामनायनि थाखाय राइजो-राजाफोरखौ बि पि एफजौं लोब्बा लाफेनो खावलायो। मेलयाव बाहागो लानाय माइन 'रिटि सेलनि गाहाय नेहाथारि महम्मद सुल्तान आलमआ इउ पि पि एल दोलोखौ गोखौं रावजौं सोंखारियो। बे गौमायाव बाक्सा जिल्लानि सालबारि बि पि एफनि नेहाथारि प्रबिन दास, एसुनि बोसोनगिरि काइन कुमार हेमब्रम, बि पि एफ दैदेनगिरि आनवार हुसेइनजौं लोगोसे गोबां दैदेनगिरिफोरबो बाहागो लादौं।

इन्दिरा मिरि सार्वजनीन रान्दि पेन्सन बिथांखिनि आरो माहारियारि समाजयारि मदत बिथांखिनि सिडव 91.22 कौटि रांनि पेन्सन बेखेवबाय

सुबुंफोरनि थाखाय मोन्नाय पेन्सननि सिडव सा 34,823 मुलाम्फायारिफोरनो 314.22 लाख रां पेन्सन बेखेवनानै हरनाय जादौं। बे रोखोमैनो पन्सायत आरो गामि जौगाखां बिफाननि मन्थि नब कुमार दलेनि नाजानायाव गामि जौगाखां बिफाननि सिडव सा 10,14,287 मुलाम्फायारिफोरनो सोलिफु सप्ताहायाव गासै 91.22 कौटिनिखुइ बांसिन रांनि पेन्सन थोंजोडै मुलाम्फायारिफोरनि एकाउन्टयाव गथायनाय जादौं।

मख 'जाथावदि, राइज्यो सरकारआ गावनि रां बाखिजौं जागायनाय गोजौयाव मख 'बोनाय सार्वजनीन रान्दि पेन्सन बिथांखिनि गेजेरजौं गुबुन जायखि-जाया सरकारि बिथांखिनि सिडव पेन्सन मोन्नो हायै 18 निफ्राय 59 बोसोर बैसोनि रान्दिफोरनो दानफ्रोमबो 300 राडै पेन्सन होनाय जादौं। कभिड-19 महामारिनि जाउनाव सोमजिन्याय गिथावना थासारिखौ सामलायनो गामि, नोगोरखौ लानानै दुलाराय राइज्योयावनो थानाय बे रोखोम सा 1,43,318 मुलाम्फायारिफोरनो खेबसेयैनो दानब्रैनि पेन्सन गथायनानै बे बिथांखिखौ जागायजेन्दौं। बे बिथांखिनि सिडव पेन्सन मोन्नो थाखाय आद्रा थानाय मोनथावना रान्दिफोरखौबो सिगांबोनो पन्सायत आरो गामि जौगाखां मन्थि नब कुमार दलेआ खावलायहरदौं।

आसाम-मिजराम सिमना जेंनानि सावरायनाया फेलें

सोमजिन्याय हिंसायारि जाथायवि थासारिआ फिन जाफिनबावनायनि महर लानायखौ नुनो मोन्दौं। आसाम-मिजरामनि गेजेराव समबाखालिनिफ्राय गारि-मथर थांलाय-फैलाया जागायफिन्नायनि माखासे घन्टाफोर समनि उनावनो दिने आसामनि लाइलापुर ओन्सोलाव जायगायारि सुबुंफोर हाइवे लामाखौ फिन बन्द खालामफिन्दौं। अदेबानि आसामनि कासार जिल्ला खुंथाय आरो मिजरामनि कलासिब जिल्ला खुंथायनि गेजेराव थामख 'नायारि सावरायनाया जावले-जावले फेलें जाबाय थानायनि जाहोनआव जायगानि सुबुंफोरनि गोसोआव फिन खुद्रिखानाय सोमजिफिन्दौं। मख 'नाय जायोदि, बुधबारखालि मोननै जिल्लानि जिल्ला बेंगिरि आरो एसपिफोरा लाइलापुरआव जायगानि थागिबि सुबुंफोरजौं सावरायनानै जेंना बोखानायनि राहाखौ लादौंमोन। मोननैबो जिल्ला खुंथाया लामा होबथानाय एबा बन्द खालामनायखौ बोखारनो थाखायबो जायगानि सुबुंफोरखौ खावलायदौंमोन। नाथाय आसामनि लाइलापुर ओन्सोलनि थागिबि सुबुंफोरा जिल्ला खुंथायनि बे बिथोनखौ नेवसिनानै बुंदौदि, मिजरामनि सुबुंफोरा आसामनि हाखौ हगारब्लासो लामा होबथानायखौ बोखारनानै लाफिनगोन। लाइलापुर ओन्सोलनि सासे सुबुंइ बुंदौदि, थानाय 15 सानफोरनिफ्रायनो जौनि गामिनिफ्राय इन्डियान रिजार्थ बेटेलियन फर्सखौ बोखारनानै लाफिन्नो थाखाय मिजराम सरकारखौ खावलायबोबाय थादौं। नाथाय गले-गले खावलायसेयावबो मिजराम सरकारआ गोनांथि होयाखै। मिरु सरकारआ जौनि ओन्सोलाव बिएसएफ सान्थिफोरखौ बांसिन दैथायहरबावदौं आरो मिजराम सान्थिफोरबो जौनि जायगायाव दंगासिनो। बेनिखायनो जेक्लासिम मिजरामनि सान्थिफोरा जायगा नागरनानै थांफिना अब्लासिम सोमावसारलांबाय थागोन आरो लामा बन्द खालामगोन होन्नानै फोरमायो। मख 'नाय जायोदि, आसाम-मिजराम सिमना जेंना आयदाखौ लानानै लाइलापुर ओन्सोलनि सुबुंफोरा 306 नं माहारियारि राजा लामाखौ बन्द खालामनायाव आसाम-मिजराम दरनै राइज्योनि गेजेराव थानाय 12 सानफोरनिफ्रायनो गारि-मथरनि हान्था-मेलयाया आबुडै बन्द जानानै थाबोदौं।

चिराडव गोबां बिबांनि गोथां गुलि बोखांदौं

एसडिपिअ, आमगुरि पुलिस थानानि असि, कयलामइला आउट पस्टनि आइसिजौं लोगोसे 156 बेटेलियान सिआरपिएफ सान्थिफोरखौ लानानै मोनसे नायबिजिन्याय हाबाफारि बान्जायदौं। बे नायबिजिन्याय हाबाफारिनि गेजेरजौं आइन बेरेखायै दोनखोमानाय गोबां बिबांनि गोथां गुलिफोरखौ बोखानो हायो। बोखानो मोन्नाय गोथां गुलिफोरनि गेजेराव दइ गर 561 राउन्डनि 7.62 एमएम गोथां गुलि, 5.56 एमएम हाथियारनि गर 231 गोथां गुलिखौ बोखानो मोन्नाय जायो। बेराफासैं बे जाथायाव लोब्बा थानाय सासेबो दायनिगिरिखौ पुलिसआ हमनो हायाखै। जाथायनि सायाव मोनसे केस थिसनानै पुलिसआ संदानायखौ जागायवाय।

भारत-चीन सिमनानिफ्राय सान्थिफोरा फावसयनो गनायथिलायबाय

थैलायनायबादियै चीननि सान्थिफोरा सिमना गुदियाव थिसन्याय गावसिनि टैकरफोरखौ बोखारनानै लांफिनसिगोन आरो एलअसिआव थिसन्याय सान्थिफोरबो फावसयलांफिनसिगोन। थानाय 6 नभेम्बरखालि जथुमनाय मेलआव बाइजो मन्थि आफादनि फोनांजाब नेहाथारि नबिन श्रीबास्तब आरो मिलिटारि अपारेसननि डिजिआबो दंफायोमोन। मख 'नाय जायोदि, सोलिफु बोसोरनि थानाय जुन दानआव गलवान सेरफाडव सोमजिन्याय दाइ-बाजि जाथायवो भारतनि ,1 20 सान्थिफोरा जिउ खहा जादौंमोन। बेनि उनावनो भारत आरो चीन हादरनि गेजेराव सिमना जेंना आयदाखौ लानानै फेरफाथिलायनाया सोलिबोबाय थादौंमोन।

अर्नब गस्वामीखौ जोबथेंसालिनिफ्राय जामिनआव उदां खालामबाय

जोबथेंसालिनि लांगोनायाव थुबुर जाहैदौंमोन। जोबथेंसालिनिफ्राय उदां जानायनि उनाव अर्नब गस्वामीआ कार सिनिफ्राय बन्दे मातरम आरो भारत माता की जय स्तगान होनायखौ खोनानो मोनो। सुलुंनिफ्राय मिबथिनो मोन्नाय बादिक्ला, अर्नब गस्वामीखौ उदां खालामनायनि थाखाय आर'ज गाबनायखौ बम्बे हाइकर्टआ फैगौ 10 डिसेम्बरआव फोसावगोन।

आलफा (आइ) नि डिपुटि सि-इन-सि ट्रस्टि राजखवाआ गावखौ गथायबाय

गावलायनायनि उनाव जायगानिफ्राय आन्त्रायनो एबा खारखोमानो नाजादौंमोनक्लाबो रहा गोथे जानानै राजखवाआ जोबथायाव गावखौ गथायनो गोनां जादौं। बे गावलायनाय जाथायाव खोला गार' हाजोनि बलबगखि गामिनि खाथियाव सोमजिदौंमोन। ट्रस्टिआ आलफानि 709 थि बेटेलियननि कमान्डार महरै सोनाब आसाम आरो मेघालयआव खामानि मावबोदौंमोन आरो उनाव बिथाड आफादनि डिपुटि कमान्डर इन सिफ जायो। गुबैयै मनज रभा एबा ट्रस्टि राजखवाआ सासे गार' आइजोखौ जुलि खालामदौंमोन आरो बियो गावनि बिबान मोन्नाय ओन्सोलाव आलफा (आइ) आफादखौ गोखोडै सामलायगासिनो दइमोन। राजखवाआ आलफा(आइ) नि गाहाय परेश बरुवाजौंबो खाथि सोमोन्दो दइमोन।

गथ 'सा थुनलाइगिरि, सोलोंथायगिरि डं अनुराधा बरुवा आरो मख 'जाथाव खौरांगिरि सनत कुमार कैरिनि रुंसारि जानायखौ गिबि मन्थिआ दुखु फोरमायदौं

बुंहरदौदि, थानानै थानाय समाव गोसो गोथारै आरो जिउयै-माहामै डं बरुवाआ गथ 'सा थुनलाइ फोथार आरो सोलोंथायारि फोथाराव जेरैबादियै बिहोमा गालांबाय बेयो आसामारिफोरनि थाखाय अरायसम गोसोखांजाथाव जानानै थागोन। रुंसारि डं बरुवाआ 70 जौथाइनिफ्राय गथ 'सा थुनलाइजौं सोमोन्दो लाखिबोनानै गथ 'सा थुनलाइनि बाखिखौ आबुं खालामनायाव थोजासे बिहोमा होलांदौं होन्नानै बिथाड बुडो। गुवाहाटी मुलुग सोलोंसालिनि आगु प्रफेसार महरै सोलोंथायगिरि महरै बिथाड बिबान सामलायलांदौं।

बे रोखोमैनो मख 'जाथाव खौरांगिरि सनत कुमार कैरिनि जिउ गोमानायखौबो गोथौ दुखु मोन्नाय फोरमायदौं गिबि मन्थि सर्बानन्द सनवालआ। मोनसे दुखु रादाबनि गेजेरजौं बिथाडा थानानै थानाय समाव राइज्योनि खौरां फोथाराव जेरैबायदियै बिहोमा होनानै गालांबाय बेखौ राइजो-राजाफोरा गोसोखांबाय थागोन। रुंसारि सनत कुमार कैरिया शिलसर प्रेस क्लाबनि आगु आफादगिरि महरै खौरांगिरिफोरखौ खौसेथि खालामनाय आरो बिथांमोननि अन्सायारि हाबानि थाखायबो गोसोखांजाथाव जानानै थागोन। बिथांनि जिउ गोमानाया जौनि खौरां मुलुगनि थाखाय सुफुंख' हायै खहा होन्नानैबो गिबि मन्थिआ बुडो। गिबि मन्थिआ रुंसारि डं अनुराधा बरुवा आरो सनत कुमार कैरिनि जिउ आत्मा गोजोनि थाखाय इसोरनि खाथियाव आर 'ज गाबनानै दुखुथिया नख 'रनि सुबुंफोरनो गावनि गोथौ दुखु मोन्नायखौ फोरमायथियो।

बागसा जिल्लानि तामुलपुरआव आइजो बिपिएफनि बिसायख 'थियारि फोसावदिं सुबुं थुबुरमा

आरो मन्त्रि चन्दन ब्रह्मआ। गोबां हारि-हारिसाफोर जेरै बर', रभा, आदिबासि, असमीया, नेपाली आरो गुबुन गुबुन हारिनि खमैबो 5 रोजानि बांसिन राइजो-राजाफोरनि बाहागो लानाय बे मेलआव हाग्रामा महिलारिआ गावनि बिबुंथि लाखिनायाव बे खेबआवनो बिपिएफ हान्जायानो फिन सरकार दाफिन्नानै बिटिसिनि गासै हारि-हारिसाफोरनि थाखाय समानै जौगाथायनि खामानि मावलांगोन होन्नानै बुडो। बिथाड गावनि बिबुंथियाव बुंवावोदि, बिपिएफ हान्जाया राइजो-राजाफोरनि अन्सायनाय आरो हेफाजाब मोन्नानै थानाय 17 बोसोर सम बिटिसिखौ सामलायबोदौं आरो बे हालामनि गासै थागिबि हारि-हारिसाफोरनि सुबुंफोरनि थाखाय समान मोन्थाय आरो समान जौगाथायनि खामानि मावबोदौं। बेनिखायनो राइजो-राजाफोरा बिपिएफखौ फोथायनाय दइ आरो फैगौ समावबो बिपिएफआ राइजो-राजाफोरनि अन्सायनाय मोनलांबाय थागोन। बे खेबनि बिसायख 'थियावबो बिपिएफआ बांसानखो मासि देरहानानै सरकार दाफिनगोनआ रोखासै होन्नानै हाग्रामा महिलारिआ दाबिबावो। बे हाबाफारिआवनो आलासि महरै बाहागो लानानै मन्थि प्रमिला रनि ब्रह्मआ मेलआव नुजाफेनाय साफ्रोमबो राइजो-राजाफोरखौ हाग्रामा महिलारि दैदेन्नाय बिपिएफ हान्जानि बिजाथिनो भट होनानै देरहासार खालामनो खावलायो।

आसाम पुलिस हेक्काटन, 2020 नि देरहासार जानाय हान्जानो गिबि मन्थिआ बान्था गथायदौं

मुलुगनां जेंनाखौ बोखानायनि राहा लानो जायगा मोन्नो हागोन। बे सेथि आसाम पुलिस हेक्काटन, 2020 आव बाहागो लानानै देरहासार जानो हानाय हान्जाफोरनो गिबि मन्थि सनवालआ बान्था बिलाइयो। दिनेनि बे हाबाफारिआव गिबि मन्थिजौं लोगोसे आइजिपि (स्पेसियेल ब्रान्स) हिरन चन्द्र नाथ, सिफ सेक्रेटारि जिण्यु बरुवा, डिजिपि भास्करन्ज्यति महन्त, गिबि मन्थिनि मिडिया एडभाइजर ऋषिकेश गस्वामी, आसाम नख 'र बिफाननि कमिसनार जिडि त्रिपातिमोनजौं लोगोसे गुबुन गोबां गोजौ थाखोनि बिबानगिरिफोरबो दंफायोमोन।

अखिल हिन्दी भाषी युब सात्र परिषदनि बालाजान तिनालि आफाद दाफुंदौं

दाफुंनाय मेलआव मेलनि गुबे थांखिखौ बेखेवनाने हायो मुकेश सावआ। बे मेलआव बालाजान तिनालि हिन्दी भाषी युब सात्र परिषदनि गोजाम आफादखौ सिफायनानै गोदान आफाद दानानै लानाय जायो। गोदान आफादआव आफादगिरि महरै बिपु रबिदास, लेडाइ आफादगिरि महरै लक्ष्मन बर्मा, आनन्द कुरमी, गाहाय नेहाथारि महरै दनदेब शाह, लोगो नेहाथारि महरै मनज बास्पर, आकाश सिं, दिपक चौहानमोनखौ लानानै गासै 31 सोद्रोमानि मोनसे गोखौं आफाद दानानै लानाय जायो। बे हाबाफारिआव गाहाय आलासि महरै बाहागो लाहैयो बिपिएफनि आफादगिरि हाग्रामा महिलारिनि अन्जालि बिबि सेवाली महिलारिआ।

मुलुगनाडैः कभिड-19 सन्देरनाया 5.13 कौटिनि बांसिन जाबाय

सुबुंफोरनाय सन्देरनायजौं बे फारिलाइयाव भारतआ नैथ सारिआव दइ। भारतआव बे भाइरासजौं थैनाय सुबुंनि बिसानआ 1,27,059 सिम जाहैबाय। बेराफासैं ब्राजिलआ 56,99,005 सन्देरनायजौं थामथि सारिआव दइ आरो बे हादरआ थैनायनि बेलायाव 1,62,803 थैनायजौं नैथ सारिआव दइ। 10 लाखनि बांसिन करना सन्देरनाय हादरफोरा जादौं फारियै-फ्रान्स, रासिया, स्पेन, आर्जेन्टिना, इउके आरो कलम्बिया।

ममता बेनार्जीनि थांखि, फैगौ बोसोराव आन्जाद होयालासे उथ्रिसारनो हागोन 10 थि आरो 12 थि थाखोनि फरायसाफोरा

कलकता, 11 नभेम्बर: दिने राइज्यो सोलोंथाय बिफनआ बेखेवफिन्नायनि थांखिखौ लानाय जागोन। बबेखानि करना सोनाब बंग राइज्योनि गिबि जागोन। मन्थि ममता बेनार्जीआ भाइरासनि थासारिखौ नोजोर मुलुगनाडै गिखंथाव कभिड-19 नि साग्लोबनायखौ होनानैसो माखासे गोखौं रेखाथि दारिमआव दवथायनो हायैबादि मन्थिआ बेनि बागै मोनसे बिबुंथियाव बुंदौदि, 2020 आव राहानि गेजेरजौं फरायसालि बेखेवफिन्नायनि जोबथा थांखि फरायसुला-फरायसुलिफोरा लानाय जागोन। मख 'नाय बिथिडव मोनसे गेदेर थांखि लादौं जायोदि, मिरु सरकारआ गिबि मन्थि ममता बेनार्जीनि थांखि हागोन। राइज्योआव फरायसालि बादिदै फैगौ बोसोर एबा 2021 आव खुंजानो गोनां 10 थि आरो 12 थि थाखोनि आन्जादआव फोरमायनाय बादिक्ला, सोलिफु नभेम्बर दाननि जोबथा जिरायालासे फरायसुला-फरायसुलिफोरे उथ्रिसारनो हागोन। सप्ताहसिमाव फरायसालि जागोन।

अक्षय कुमारनि सावथुन 'लक्ष्मी' आ ब्युअरसिपनि रेकर्डखौ सिमफायबाय



गोदान दिल्ली, 11 नभेम्बर : बलिउड फावखुंगुर अक्षय कुमार आरो कियारा आडवाणीनि सावथुन लक्ष्मीखौ फेन्सफोरा गोबां गोसो होसारनाने नैनाने दडमोन। अटिटि प्लेटफर्मआव रिलिज जानो गोनां बे सावथुनआ गोबां खौराडव थाबाय थादोमोन, जाय 9 नभेम्बरआव डिज्नी प्लास हटस्टारआव रिलिज जाबाय। बे सावथुनखौ राघव लरेन्सआ बिथोन होदो। सावथुननि रिबुजआ मोजां जायावै, नाथाय बे हरर कमेडि सावथुनआ मोनसे गोदान जाफुसारनायखौ मोनो हादो। डिज्नी प्लास हटस्टारनि बायदिल्ला, लक्ष्मीआ गसिबो सावथुनफोरनि ब्युअरसिप रेकर्डखौ सिमफायबाय। रिलिज जानायनि माखासे घन्टायाव बेयो ब्युअरसिपनि केसआव बलिउडनि ब्लकबस्टारआ फोरमान जादो। बे सावथुनआ रुसारि जानाय फावखुंगुर सुशान्त

सिं राजपुतनि सावथुन 'दिल बेचारा'नि रेकर्डखौ सिमफायदो। बेनि सायाव मोनसे प्रेस कनफारेन्सनि समाव अक्षय कुमारआ बुंदो, लक्ष्मीखौ जैरे बायदियै अन्याय होदो आरो रिस्पन्स होदो, बेनि थाखाय साफ्रोमनोबो साबायख 'र'। मुलुगनाडेनि सुबुंफोरा डिज्नी प्लास हटस्टारआव रिलिज जानायनि माखासे घन्टानि उनावनो लगइन खालामनाने सावथुनखौ नायदो। मख 'नो गोनांदि, बे सावथुनजो राघव लरेन्सआ डाइरेक्टर महेरे डेब्यु खालामदो, जाय फेन्सफोरखौ गोजोनाय होनायाव जाफुसारनो हाबाय। सावथुनआ रिलिज जानायनि सिगां कन्ट्रिबुसीनो मेहुर जानांदोमोन। माखासे जाहोनाव अक्षयनि सावथुनखौ बयकट खालामनो दाबि दैखांदोमोन, जायनि थाखाय सुबुंफोरा ससियेल मिडियाव मोनसे केम्पेन सालायदोमोन।

बरुण धवन आरो सारा आली खानआ गावयारि माखासे सावगारि फोसावदो

गोदान दिल्ली, 11 नभेम्बर : बलिउड फावखुंगुरि सारा आली खान आरो बरुण धवनआ रिलिज जानो गोनां सावथुन 'कुली नं 1' नि प्रमशन्सआव नांथावनाने दड। सानेबो बावैसो समाव फटसुट खालामजादो, जेराव चेक शर्ट आरो ड्रेस केरी खालामनाय नुनो मोन्दो। बरुण धवनआ सारा आलीजो लोगोसे गावनि मोनै सावगारि फोरखौ सेयार खालामदो। बेजो लोगोसेनो बियो सायरी लिरदो। बरुणआ लिरदो चेक-मेट, नो गात्रि आखु दिन्थियो, आधिखालाव आंखो दामुगै, मानोना आं मोनथिगौदि नो गोबां मोजां। बेजो लोगोसेनो सारा आली खाननो बरुण धवनआ टेग



खालामदो। फारसेथिं साराआ लिरदो बरुण धवन नो सासे दुथां आखुनि सेंग शायरीआ नुंगुबै जाथो आरो कपी केट जाथो। जिंसासिनो नाड आनि टपिआव आरोबाव माखासे मोजां टिक्स दड। मख 'नो गोनांदि सारा आली खान आरो बरुण धवननि सावथुन कुली नं 1, आ 25 डिसेम्बरआव अटिटि प्लेटफर्मआव रिलिज जानो

चीनआव उडगर आइजोफोरनि सायाव इनाय उतरखारया बांसिन्दो:सुलुं

वाशिंगटन, 11 नभेम्बर: आमेरिकानि नोगोरारि जानाय उडगर मावसुमा रुशन आब्लासआ चीननि शिंगजियां राइज्योआव उडगर मुसलमानफोरनि सायाव इनाय अनागार खालामनायनि खेफोरिथेखौ होदो। बियो बुंदो चीनआव उडगर आइजोफोरखौ देहायारि आरो गोसोयारि महेरे इनाय अनागार खालामो। मोनथिनो मोनवै इन्वेक्सनखौ थुयो आरो मुलिफोरखौ जाहोयो। उडगर आइजोफोरखौ जिनाहारिबो खालामनाय जायो। आब्लासआ बुंदो नै बोसोर सिगां गावनि बिनानावआ गोमादोमोन आरो हम्दाना लानाय जादोदि,

बिखौ डिन्टेशन सेन्टारआव जोबथेनाने दोन्नाय जादो। मुलुगआ चीननि गात्रि आखु दिन्थिनायखौ मोनथिनो मोनाखे। शिनजियांनि राजथावनि उरमगीयाव जोनोम जानाय आब्लासआ बुंदो गाव 1989 आव आमेरिकायाव थांदोमोन आरो वाशिंगटन स्टेट इउनिभासिर्तिनफ्राय प्लान्ट पेथ 'लजीआव सोलोंथाय लादोमोन। बियो उडगर मुसलमानफोरनि सुबुंमोन्थायनि बुंथिगिरिबो जादो। बियो 5 सेप्टेम्बर 2018 आव चीनआव उतरखारि आयदानि सायाव सावराय लायनाय जथुम्पायाव बाहागो लादोमोन।

जनी वाकरनि जिउआ जौ लोनायनि एक्टिनि थाखायनो सोलायदोमोन

गोदान दिल्ली, 11 नभेम्बर : बदरुदिन जमानुदिन काजीआ सा 10 बिदा फेबाय बिब' बिनानावफोरनि गेजेराव सासेमोन। बिनि बिफाया सासे निखावरिमोन। बिखौ बिफाया 6 थि थाखोआवनो निखाउरिनि जाहोनाव फरायसालिनफ्राय बाइजोआव बरनफिन्दोमोन अब्ला बे समाव बियो जेबो खामानिबो मावनो रोडमोन। बियो बै समाव बासआव टिकेट फानोमोन आरो सावथुनफोर नायनाने दावबायारिफोरनो बेनि सिन्सफोर खौ क्रि एट खालामनाने इन्टारटेन्टमेन्ट खालामोमोन। सानसेखालि बियो बासआव बलराज साहनीखौ लोगो मोन्दोमोन जाय आधिखालाव गिदिर फावखुंगुर नडमोन। काजीआ बै सानआव सोरबा जौ फाग्लानि एक्टि खालामदोमोन। बै समाव बलराज साहनीआ गुरुदत्तनि थाखाय बाजी सावथुनखौ लिरदोमोन। बेखौ गुरुदत्तआ डाइरेक्ट खालामदोमोन आरो बेनि हीरआ देबआनानन्दमोन। बिसोर सा 3 जौ लोगोसे काजीआ गिबि सावथुनआव फाव खालामनो खाबु मोन्दोमोन। काजीखौ बासआव बलराज साहनीआ गुरुदत्तनि जौ फेनायनि एक्टि खालामनो



थिन्दोमोन आरो काजीआ जाय एक्टिखौ खालामदो बेखौ नुनाने बलराज साहनीआ बिनि एक्टिखौ नुनाने गोमोन्दो। बेनि उनाव नैथि सानआवनो बियो मेहेबुबा, सिआइडि, प्यासा, चरी चरीआ बिखौ स्टर जौ फाग्लानि एक्टि

खालामहोदो। बिनि जौ फाग्लानि एक्टिखौ नुनाने गुरुदत्तआ गोबां गोजोना मोन्दो आरो बिनि मुंखौनो 'जनी वाकर' दोन्दो। बेनि उनाव मेरे मेहेबुबा, सिआइडि, प्यासा, चरी चरीआ बिखौ स्टर बानायदो।

गोसो सिडव थाखोमानाय बाश्राफोरखौ फोरमायदो आशुतष राणाआ



गोदान दिल्ली, 11 नभेम्बर : आशुतष राणा आरो रेणुका शाहाणेनि जराया अक्षय कुमार आरो टिवन्कल खानानि बायदि गोरोबहाडो। सम सम बिसोर सानेखौ राइज्योआरि जौसां आरो ससियेल मिडियाआव आलादा आलादा फावआव नुनो मोनो। आशुतषखौ माहारियारि खन्थाय फरायनाय नुयो नाथाय गुबुन फारसेथिं रेणुकानि टुइटफोरा हादतखौ मोजां मोनग्राफोरनि गेजेराव जेनाखौ बांहोदो। आशुतषआ नै खेब सावथुनमेकार एवार्डखौ गावनि नेगेटिभ फावफोरनि थाखाय मोन्दो। बियो उन्दै समावबो रावणनि फाव खालामोमोन आरो आधिखालाव अक्षय कुमारनि रिलिज जानो गोनां

सावथुन 'पुथिराज' आव जयचन्दनि फाव खालामदो। आशुतष राणानि फेन्सफोरा जेब्ला बिनि सोमोन्दै गुगलआव सार्च खालामो अब्ला बिनि गिबि खोलोव उडकीपिडियाआव बिनि प्रफाइलखौ नुनो मोनो, नाथाय बेखौ नुनाने साफ्रोमबो गोमोयो, मानोना बिनि मुड आशुतष राणानि अनगायै आशुतष नीखरा लिरनायसो। मख 'नो गोनांदि, 'राणा'या गावनि नख 'रिनि टाइटेल नड। बिनि बिफानि मुड शमनारायण नीखरा, बेनिखायनो बिनि गिबि आखरफोरखौ गोसोखांथिजो राणा दोन्नाय जादो आरो बेनि उनाव नीखराया राणा जादो।

जुलि खालार

(थानाया विसानिफ्राय)

जादोना जायाखै बेखौ थाम दानावसो मिथिसिगोन सानाने ननि हाबा हुखाआव नांथाबनायसै। समायनायाबो मोजां मोनो सोमखोरखौ। गावसोर उन्दैआवनो समाय लालाय खादो। गावसोर सोरजोबा हाबा जायोब्ला गावसोरनि समायखिरा मथे खामानि मावगोन होन्नानै। समायनानि एइस एस एल सि नि आनजादनि रिजाला होबाय होन्नानै। समायनाया मोनसे आयदायाव लेथार मोन्दोब्लाबो नैथि थाखोयावसो फास जाबाय। समायनाया गाव सेथि थाखोखौ लुबैदोब्लाबो मोनैनि गावनि सायाव रागा जोनाने दुखु खालामदोमोन। बेखौ मिथिनाने दुखु खालामनो नाड होन्नानै बिमा-बिफाफ्रा बुरखायनायसै। दिनै सोमखोर। कक्राझार साइन्स कलेजआव सेथि बोसोराव मुं थिसन होदोमोन। समायनायाबो बे कलेजआवनो मुं थिसनदोमोन। बे समावनो सोमखोर।

इड आदा आं नोखौ मोजां मोनो आदा होन्नानै समायनाया गावनो हमो। दागाब सना आं नोनिखा जेब्लाबो आं नोखौ मोनाब्ला बे बुहुमाव थानाय नड सना बे बुहुमखौ अराय समनि थाखाय नागारलांगोन सना। आदा मानो बिदि बुडे नो जौ सानैनि मोजां मोनलायनाया नंखाय नड। जौ सानैजो जुलि जाथारगोन आदा जुलि जायाब्ला जौ सानेबो समायखिरा मथे जौ सोलिगोन आदा होन्नानै आरोबाव गावनो हमो। बिदि समावनो दावसिफ्रा गोसो होसार होसार गावनाने बिरलानायसै अब्ला मोनानो बारा गोबाव सम गैलामोन। बिसोरो गावबा गाव नआव थांलायनायसै अब्ला बिसोरनि बाश्राखौ सोरबा सासेआ खोनाबाय बे बाश्राखौ जाय खोनानाड बेयो सोर? बेयो समायना बिफा। समायना बिफाया कक्राझारवा थांनाय समाव बिसोरखौ नुनाने नायखुमादोमोन बेयावनो सोमखोर आरो समायना मोननि मोजां मोनलायनायखौ मिथिदोमोन। बेखौ मिथिनाने उसु-खुथु समायना बिफानि गोसोआ गावखाडो। जाय फिसाजोखौ लेखा-फरा

गाहाम देहानि राहा

तेजपातआ स्वादजो लोगोसे फिटनेस आरो समायनायनिबो मुलि जानो हागौ

गोदान दिल्ली, 11 नभेम्बर: भारतआरि सुबुंफोय जानायाव माखासे रोखोमनि बेन्दो-बेन्ला आरो मसलाफोर बाहायो, जायफोरा जाग्रा आदारनि स्वादखौबो बारायहोयो आरो बेजो जौनि देहानि सावसिया मुलाम्फा मोनो। जैरेबायदियै हालदैआ माखासे बेमारफोरखौ जानगार खालामो, लंआ कफ आरो गुसुखौ खारहोयो, अजवाइनआ उदैनि गासै बेमारनि मुलि। बेरा फारसे मोनसे मसलाया बिलाइ बायदि जायो, जायखौ जौ तेजपात होन्नानै मिथिनाय जायो। सरासनस्त्राय बेखौ बिरयानि, पुलाव आरो बांसिनै भारतआरि जाग्रा आदारफोरवाव बाहायनाय जायो। तेज पातआ जानायनि स्वादखौ बारायनायाव मदत खालामो। नाथाय बेजो बानायनाय चाहाया नोथानि देहानि थाखाय जोबोद मोजां जायो। 4. तेजपातनि चायाव गोबां गुण थानायनि जाहोनाव डाइजेशनआव साबस्तांनय लाबोयो। बेयाव दालचीनिनि मोजां गुणआवो दफायो जाय मयबलिन्म आरो डाइजेशनखौ गोखौ खालामनायाव मदत खालामो। 5. बेयो अल-इन-वन मसला, जाय वेट लसआवबो नोथांखौ मदत खालामो। बेनि अनगायैबो बेखौ सानफ्रोमबो लोनायजो



मिथिनाय जायो। 2. तेजपातआ जेनाखौ बारायहोरा हार्मनखौ होबथायो आरो नोथांखौ गोजोन आरो रिलेक्स खालामनायाव मदत खालामो। 3. मसलायाव थानाय एन्टी-इन्फ्लेमेटरी गुणआ जौनि देहाखौ सुजननिफ्राय रैखा खालामो। नाथाय बेजो बानायनाय चाहाया नोथानि देहानि थाखाय जोबोद मोजां जायो। 4. तेजपातनि चायाव गोबां गुण थानायनि जाहोनाव डाइजेशनआव साबस्तांनय लाबोयो। बेयाव दालचीनिनि मोजां गुणआवो दफायो जाय मयबलिन्म आरो डाइजेशनखौ गोखौ खालामनायाव मदत खालामो। 5. बेयो अल-इन-वन मसला, जाय वेट लसआवबो नोथांखौ मदत खालामो। बेनि अनगायैबो बेखौ सानफ्रोमबो लोनायजो

देहायाव ग्ल' फेयो। 6. तेजपातआ भिटामिन ए, सि, आयरन, पेटेशियाम, कैल्शियाम आरो मेगनीशियामनि मोनसे गाहाय फुंखा। बेनि चाहाया जौनि खानाय, बिगुर आरो देहानो मोजां गुण होयो। तेजपातनि चाहाया डाइजेशनखौ मोजां खालामो। 7. जाग्रा आदार जानायनि खावसे घन्टानि उनाव बेखौ चाहायाव होनानै लोडोब्ला जोबोद मुलाम्फा गोनां जायो। 8. जुदि नोथांखाड हाइ ब्लाड प्रेशरजो जेनायाव गोग्लैनादोब्ला बेखौ सानसेयाव खेबसे लानाया गोहोम गोनां जानो हागौ आरो बेयो ब्लाड प्रेशरनि थाखोखौ बाडाइ खालामनायाव मदत होयो। (जायखि-जाया राहाखौ आजावनाने लानायनि सिगां उक्तरफोरनि बोसोन लागो)।

मोखांनिफ्राय पिगमेन्टेसनखौ मोजां खालामनायनि थाखाय बेरे मोदै आरो एल'भेरानि मास्कआ बयनिखुइ सावसिन



दाग गैवै स्मूथ मोखाड नोथानि समायनाखौ बांहोयो। मोखाडव सालमाइ, दागो, हाखर-हाला आरो पिगमेन्टेसनआ नोथानि समायनायाव हें था होयो। नोथांखाडवो जुदि मोखाडव बेबायदि जेनाजो भुगिनांदोब्ला, जौ नोथानो मोखाडखौ समायनानै लाखिनायनि साबसिन राहा फोरमायनि जायजो नोथानि मोखांनि दागो आरो पिगमेन्टेसनआ गोमोरगोन आरो स्किनखौ स्मूथ आरो मोजां महेरे नुनो मोनगोन। बेनि थाखाय एलभेरा आरो बेरे मोदै मोनैबो ओरैबायदि मुलि, जाय नोथानि स्किननि थाखाय साबसिन टनिक महेरे फोरमान जागोन।

बेरेमोदैयाव एन्टि बैक्टीरियल गुण थायो जाय बिजागुखौ फोजोबो आरो एलभेराआ नोथानि स्किनखौ मश्राराइज खालामो। बेरे 'फास', पिगमेन्टेसनआ स्किननि जेनाखौ बारायहोयो, जायजो मोखाडव सिथर आरो दागो जायो, जाय नोथानि मोखांनि समायनाखौ फोजोबो। पिगमेन्टेसननि फाहामथाइखौ जुदि जागाय जेनायावनो खालामब्ला उनाव बे जेनायानो नोथानि महर मोखांनि थाखाय मोनसे गिदिर जेना जानाने थानो हागौ। नोथांखाड बे जेनानि फाहामथायखौ केमिके ल

प्रडाक्टजो खालामोब्ला साइड एफेक्टनि गिनांगो जायो। बेनिखायनो नोथांखाड बे जेनानि फाहामथायखौ न'यावनो बानायनाय मुलिजो लानो हागौ। बेरे मोदै आरो एलभेरानि गलायनाया पिगमेन्टेसननि थाखाय मोनसे मोजां राहा। बेखौ नेम बादियै बाहायोब्ला पिगमेन्टेसननिफ्राय रेहाय मोनो हागौ। बिदिब्ला फे न'याव माबादियै बेरे मोदै आरो एलभेरानि जेलखौ पेस्ट बानायो बेनि सोमोन्दै मिथिनाने लानि :- (1) गंसे कापआव बेरे मोदै आरो एलभेरानि जेलखौ होनानै मोजाडै गलाय। (2) बेनि उनाव बे पेस्टखौ मोखाडव लागायनानै 20 मिनिटिसिम लाखि। (3) जेब्ला बे पेस्टआ मोखाडव मोजाडै रानोब्ला बेखौ दैजो सु। (4) जुदि नोथानि मोखाडव जायखि जाया रोखोमनि सिथर दडब्ला बेनि पेस्टखौ सिथर जानाय जायगायाव सानफ्रोबो फुन, बेजो गोबां मुलाम्फा मोनो हागौ।

फोरोनाने गिदिर-गोलाव जानो फोरदोमोन बे फिसाजोआनो बिफानि सायाव बिदि अगेन हाबा मावदो। समायना बिफाया गोसो गिलिदजो नआव थांनायसै। नआव थांनाने समायनाखौ नैनायसै। र'सालिआ बेखौ दिने नआव

फेयोब्ला होनाय लोगो लोगोनो समायनाया नआव फेनायसै। अब्ला बिफाया गुरै गारांजो सोपलाबाय समायना आय कलेज एडमिसनआ मोनबाय। औ आफा। मानोथो गोबाव जाबोआ। आफा आं लोगोफोरनाव हावबोनाय समाव

गोबाव जाबोदो आफा। नंखाय नो आंखो थगायनो दासान समायना। नो सोमखोरखौ सिनायो नामा औ आफा नोहा सोमखोरखौ मा सोमोन्दो दं। आं सोमखोरखौ मोजां मोनो आफा बेबो आंखो मोजां मोनो (7 बिलाइआव)

80 जौखोन्दो आमेरिकानि सुबुंफोरा ज' फिलिपाइन्सआव गोहो गोरा वामक बाइडेनखौ गावसोरनि हादतगिरि गनायो बारहुंखाजों गोबाडनो न'-बां खोमानांदों

निउयर्क, 11 नभेम्बर : गासै 80 जौखोन्दो आमेरिकानि सुबुंफोरा जेराव खावसेनिखुइ बांसिन रिपाब्लिकफोरा दंफायो, बिसोर 3 नभेम्बराव जानाय हादतगिरि बिसायख 'थियाव ज' बाइडेनखौ देरहासात महरे गनायो। बे बिसायख 'थियाव ज' बाइडेनआ 279 इलेक्टरेल कलेजनि भट मोनो आरो ट्रम्पआ 214 भट मोनो। पपुलार भटनि बिथिडवबो बाइडेनआ सिगां जादों। बिथाडा 76.3 मिलियन भट (7.63 कौटि) एबा गासै 50.7 जौखोन्दो भट मोन्दों आरो हादतगिरि डनाल्ड ट्रम्पआ 71.6 मिलियन भट (7.16 कौटि) एबा 47.6 जौखोन्दो भट मोन्दों। थानाय शनिबारनिफ्राय मंगलबारसिम



सोलिनाय नेशनेल अपिनियन सार्भेआव 79 जौखोन्दो आरो 3 जौखोन्दोआ ट्रम्पखौ देरहादां बुंदों। सार्भेआव 72 जौखोन्दो सुबुंफोरा गनायोदि, बिसायख 'थियाव जेनग्राफोरा गावसोरनि जेनायखौ गनायना लानां। बेराफार्से, 13 जौखोन्दोआ

जौखोन्दोफोरा गनायनोदि, ट्रम्पनि हाबा मावनाय समा फेगौ जानुवारीयाव जोबगोन आरो खुंथाय गोजोनै सोलायगोन। आथिखालाव ट्रम्पआ दासिमबो बिसायख 'थिनि फिथाइखौ गनायाखै। मानोना ट्रम्पआ भट सानायनि सिगाडवबो गावनि देरहानायखौ फोसावदोंमोन। बिथाडा भट सानायवा गेना खान्थि जादों होन्ना नै दाय जाबसिन्दों। ट्रम्पनि बे दाबि दैखानायखौ बिथानि मन्थि आफादिनि सोद्रोमाफोराबो हेफाजाव होदों। बेनि गेजेरजों आमेरिकानि एटर्नि जेनेरेल उइलियम बर्न आ भटिनि नेमखान्थिनि दायफोरखौ नायबिजिरनो बिथोन होदों।

मनीला, 11 नभेम्बर: करना महामारिनि गेजेरजों फिलिपाइन्सनि सान्जा बोसिमा ओन्सोलफोराव 'गनी' बारहुंखानि उनाव बयनिखुइ गोहो गोरासिन 'वामक' बारहुंखाया आगान होफेदों। बेनि गेजेरजों सान्जा बोसिमा ओन्सोलफोराव गोखौ अखाजों लोगोसे बार बारासिनो डड। बे बार हुंखानि गोखैथिखौ 155 किल मिटरसिम साननो मोन्नाय जादों। बे बारहुंखानि गोखैथिखौ नोजोर होना नै जायगानि खुंथाइआ एलाट फोसावदों। बेजों लोगोसे केटाडान्डेस ओन्सोलनि गभर्नर जसेफ कुआआ बारहुंखानि गोखैथिखौ नोजोर होना नै बोसिमा ओन्सोलफोराव थाग्रा नोगोरफोरखौ सांग्राथि होदों।

वामकआ बे बोसोरनि फिलीपाइन्स सोग्रावनाय 21 थि बारहुंखा। सुलुडाव फोसमायनाय बायदिब्ला, राजथावनि मनिलानि खोला-सान्जा थानाय अलेबेनि खाथियाव अक्ट'बरनि जोबनायाव टाइफुन गनीनि गोहोमा गोरलेंदों मोन। बे बारहुंखानि जाहोनाव सा 25 सुबुंफोरा थैयो आरो सा 6 सुबुंफोरा गोमायो। बोथोर बिफाननि बुनाय बायदिब्ला, बुधबारनि बेलासिसिमाव 'वाकम'



बारहुंखानि जाहोनाव पलिलिय दीपआव लेन्डफल जानो हागौ। बेनि जाहोनाव हादतनि सा ओन्सोलफोराव मायनि आबादआ ख'हा जानो हागौ। पलीलियनि मेयार क्रिस्टीना बस्कआ बोसिमा ओन्सोलफोराव थाग्रा सुबुंफोरखौ न' नागरनो बिथोन होबाय। बे वामकआ करना महामारिनि थाखाय थियारि खालामनाय मिरुफोरनि थाखाय मोनसे गिदिर बादायनाय जाबावबाय। अदेबानि फिलिपाइन्स खुंथाया

करना खैफोदिन समाव जाय जायगाफोरखौ क्वारेन्टाइन सेन्टाराव सोलायदों मोन, आथिखालाव बे जायगाफोरखो भुगिनाय सुबुंफोरखौ शिफ्ट खालामनाय जागासिनो डड। बेबायदियाव करनानि गोसारनाया बारायनो हागौ होन्ना नै सन्देह' खालामनाय जादों। बेनि गेजेरजों बोथोर बिफानआ हमदांदोंदि, फिलिपाइन्सनि उनाव बेयो विएतनामआवबो आगान खोख्लैगोन।

वामकआ बे बोसोरनि फिलीपाइन्स सोग्रावनाय 21 थि बारहुंखा। सुलुडाव फोसमायनाय बायदिब्ला, राजथावनि मनिलानि खोला-सान्जा थानाय अलेबेनि खाथियाव अक्ट'बरनि जोबनायाव टाइफुन गनीनि गोहोमा गोरलेंदों मोन। बे बारहुंखानि जाहोनाव सा 25 सुबुंफोरा थैयो आरो सा 6 सुबुंफोरा गोमायो। बोथोर बिफाननि बुनाय बायदिब्ला, बुधबारनि बेलासिसिमाव 'वाकम'

मुलुगनाडै कभिड-19 नि केसआ 5.13 कौटिनिखुइ बांसिन जाबाय



वासिंटन, 11 नभेम्बर : जादोंमोन, जाय गिबि खेव आगस्टनि उनाव 1,400 निफ्राय बांसिन जादों। आमेरिकायाव करना इनफेक्सनआ नैथि दोहौनि जाहोनाव थासारिया गोखैथै जेना गोनांसिन जादों। बेजों करना इनफेक्सन जानायनि अन्जिमाया बांनानै 1 कौटि 4 लाखनिफ्राय बांसिन जादों। जन्स ह पकि न्स इउनिभासिंतिनि बायदिब्ला मलुगनाडै करना भाइरासनि अन्जिमाया 5.13 कौटि आरो थैनायनि अन्जिमाया 12 लाख 70 रोजानिफ्राय बांसिन जाबाय। सिएएसएआ गोदान अन्जिमाया फोसमायनाय बादिब्ला, आथिखालाव मुलुगयाव गासै केसआ 5,13,77,200 आरो थैनायनि अन्जिमाया 12,70,171 थैनायनि बिबाडा 1,450 जाखौबाय।

सिमनायाव बिएसएफआ सा 2 बांग्लादेशनि सान्थिफोरखौ हमदों

ढाका, 11 नभेम्बर: भारतनि बिएसएफआ बांग्लादेशनि रेपिड एक्शन बेटालियन (आरएबि) नि सा 2 सोद्रोमाफोरखौ ग्रेप्टार खालामदों। बिसोरो भारतारि नोगोरफोरखौ जिम्मायाव लानो नाजादोंमोन। भारतीय सान्थिआ मेन पिलार 307 नि साव पिलार-1 निफ्राय आरएबिनि सुबुंफोरखौ ग्रेप्टार खालामदोंमोन। बेनि उनाव बर्डर गार्ड अफ बांग्लादेश (बिजिबि) आ बिएसएफनो गांसे लाइजाम दैथायहरनानै मोनसे फ्लेग मीटि खालामनोबो आर'ज गाबदों। ग्रेप्टार खालामजानाय सुबुंफोरखौ आरएबि-13 दिनाजपुर सिपिसि-1 नि लेडाइ कामान्डार (एएसपि) स्यामल चांग आरो कन्स्टेबल अबु बकर सिद्दीकिनि महाराव सिनायथिनो हादों। बिएसएफआ बिसोरखौ थानाय मंगलबार हरनि 2.00 रिगायाव ग्रेप्टार खालामदों। गामिनि सुबुंफोरनि बादिब्ला सा 5 आरएबि सोद्रोमाफोरा दिनाजपुरनि बिआमतलौ



सस्वतीपुर सिमानि समाजिया मन्डलपारा ओन्सोलाव मटरसाइकेलजों हाबफेदों। बिसोरो मोनै हान्जायाव गावखानानै भारतआरि सिमानि सिडाव थानाय गामिआव हाबफेदों आरो बिसोरनि गेजेरव सा 3 आ भारतआरि नोगोरफिर इसराफलिनि फिसाज्जला मिलानखौ ग्रेप्टार खालामदों। मिलानआ हस्तिखावब्ला मुशरफ मुनि सुबुड आरएबि सोद्रोमानि सायाव गाग्लोबो। बेनि उनाव आरएबिनि सोद्रोमाफोरा अपेन फायार खालामब्ला गुबुन सा 2

आरएबिनि सोद्रोमाफोरा बेवहाय फेयो। बेनि गेजेरव बिएसएफनि सोद्रोमाफोरा बेवहाय फेयो आरो गामिनि सुबुंफोरनि मदतजों सा 2 आरएबि सोद्रोमाफोरखौ ग्रेप्टार खालामो आरो बिसोरखौ समजिया केम्पआव लानानै थाडो। चिरबन्दबन्दर उपजिल्लायाव पंटी इडपि नम्बर 10 नि सासे सोद्रोमा आबुल वहाबआ बुंदों आरएबिनि सोद्रोमाया ड्रम्स होबथानाय अधियाननि गेजेरजों बेवहाय फेदोंमोन। मिलानआ भारतनि सस्वतीपुरनि सासे ड्रम्स डिलार।

मास्क गानोब्ला करनाजों लोगोसे टिबि आरो निमनियानि जेनानिफ्रायबो रैखाथि मोनो हायो

लक्षनौ, 11 नभेम्बर : किं जर्ज देहा फाहामसालिनि इउनिभासिंतिनि आफादिगिरि डा: सुर्यकान्तआ बुदोंदि, मास्क गानानै कभिड 19 नि इनफेक्सनजों लोगोसे टिबि, निमनिया आरो गोबां रोखोमनि एलाजिनिफ्रायबो रैखाथि मोनो। कभिड-19 नि गोसारनायखौ होबथानो थाखाय उत्तर प्रदेश सरकारनि गेजेरजों दानाय मावफुं दोलोनि सोद्रोमा डा: सुर्यकान्तआ समबारखालि फोरमायनाय बायदिब्ला आथिखालाव आबहावा गुबुंले जानायनि गोहोमा बिखाजों लोगोसे देहानि गुबुन बाहागोफोरावबो गोहोम खोख्लैयो। बिदुंआ खम जानायनि जाहोनाव हाद्रि बालाया गोजोंआव थानो हायैआव गाहायावनो भाइरस



लोगोसे गुबपनखोबो जेनायाव खोख्लैनो हागौ। बेनि सोमोन्दे सुर्यकान्तआ बुंबावदों आबहावा गुबुंले जानायनि गोहोमा बिखाजों लोगोसे देहानि गुबुन बाहागोफोरावबो गोहोम खोख्लैयो। बिदुंआ खम जानायनि जाहोनाव हाद्रि बालाया गोजोंआव थानो हायैआव गाहायावनो भाइरस

एबा बेक्टेरियाखौ बांहोयो। बेबायदि समाव जुदि मास्क गाना जासे बाइजोआव ओंखारलाडोब्ला बेयो देहायाव हाबलाने खायु मोनो। बेनिखायनो बायजोआव थाडोब्ला मास्कजों खुगाखौ मोजाडै खोबोब्ला भाइरस एबा बेक्टेरियाजों लोब्ला गोनां बेरामफोरनि गिथथानया बाइड जायो।

संसार जानाय

(2 बिलाइनिफ्राय)

प्राइभेट स्कुलफ्राव बारखो बारखो गु थाखोसिमल' फरायनो हानायानोसै। बे समानो दानि सम। सेंग्राफोरनि फाव, सिखलाफोरनि राव। सेंग्रा सिखला नडाब्ला गान, सिनेमा, हाथाय बाजार बेराइनो जानो नाइनो गोजोनाय फुटि मोनै सम। अखा नाइब्लानो टाउन सहर। लेखाबो फरायला हालबो मावला। बिमा-बिफा बुं'ब्ला बुनो बाइदिसिना सिगिनाय जुगोमनाय। लोगो मोनबायोनो। सेंग्राफोर नडाब्ला सिनेमा नायै देबोर गामिनि अलका रानीखौ जै मुं एरै महर। जेन सोग्रॉनि सिखौ सिखलासो। आनान गसाइआनो आखलखौ खहा खालामनानै सोजिंखादोंमोन खोमा? नडाब्ला मानोथो आखला बेसबांमानि गात्रि जानांगौ? बिफा माइनराम माहाजोना फिसाजोखौ गेदेर गोलाव जाथों होन्ना नै टाउननि

हिन्जावसा गोजौ फरायसालियाव हगारदों। रां रुफानि जेबो आंखाल गैया फराय आरो फराय। नाथाय बबेयाव हौवा गोसोथोनोसो लाइजाम तिरनोसो, सिनेमा नाइनोसो लेखा फोरॉनाय जादों। अलकाया हौवा गोसोथोनायावसो आखा फाखा जाबाय। लेखा फरायआव खुनुमौथै नकल लायै लायै आन्दार कनसिदारे सनाव आन्जादखौ बारा'नो हाबोबाय थादोंमोन। समावो माब्लाबा माब्लाबा गात्र' होयो। अलकानि लेखा फरायनाया थाखो डाइन आनो जोबथा आगान जादोंमोन। माब्लाबानो माइ गायनाय बोथोर सौफेगारबाय। फरायसालीफ्रा दैज्जानि बन्दनि खेवसे गंगा सिनेमा हलाव नाइफेदों। दैज्जानि बन्द न्कलाबो नडाब्लाबो सानफ्रामबो बर' सेंग्रा-सिखला गंगानि आरो आर एन डि, सिनेमा हलनि दरखं मोखाडाव जेन बिबारबारी

खालामनानै दोनखानायाव सिखलाफोर बिदें सोबफेनाय बाइदि बाहां-बिरहाने खालामफेयो। थिक बे समावो गंगा सिनेमा हलाव माबा हिन्दी सिनेमा जादोंमोन। रबिबार दिनमोन। ऐदिनखालि सिनेमा नाइनो अबारामआ टाउनाव फेदोंमोन। हाथाइनि दिन बयबो सेंग्रा सिखलाफ्रा हाथाइ जानायनि मुडैनो सिनेमा नायलांजोबो। अबारामा ऐदिनखालि खाफाला जोबोर मोजांथारमोन। थिक सिनेमा हलाव अलकाजों आरो अबारमजों एके सेयारावनो टिकितखौ मोन्दोंमोन। अबारमजों आरो अलकाजों सिनायज्जलायखागौ। गोदो डाइन थाखोयाव टाउननि गंसे हाइस्कुलाव फरायब्ला लोगो मोनज्जलायखानाय सम सम लोगो मोनज्जलायब्ला राइज्जलायनायखायो। दानि नैजिजौ मुगानि सिनेमा। एसे खुदुमलायनाय एबा बिखा नुजालायनाय गस्ला गाननाय नडाब्ला सिनेमाथानो जाया। बारा मा सिनेमा नाइग्राफ्रानो गोसोयाव जोगोननाय मोना। सिनेमाआव अबाराम आरो अलकामोनहा नायै नायै नायबाय। नाथाय

गोमोथाव एबा गोजोनथाव। बिसोरनि गेजेराव सोलिबाय अनज्जलायनाय, राइज्जलाइनाय, मेगन मोखैबलायनाय बेनि उनाव जाबाय गोसो थोज्जलायनाय। न'आव थानानै अलकाया थथेहैनो हायाखिसै। अखा थंब्लेट मेगन मोदें। जेन गानसो नायदों। गोसोनि लुबैनायखौ सुफुंहोनो अवा मोनफुनो अबारामनि मुडै गांसे लाइजाम तिरहरबाय अलकाया। अबारामआवो लाइजाम हरज्जलायनाय लेखा बिलाया उनहालागै सेरफासो जालाइसिगौमोन। सान्दोंमोन सानैबो गोसो थोज्जलायनो हालायै जादोंमोन। आनान गसाइआवो बाराब्ला रागा जोंगारगोन। बोसोरसेनि उनावनो दाउराव दावसि नंज्जलाय खमज्जलायनि गेजेरजोंब्लाबो अबाराम आरो अलकानि हाबाया गावसिनि गोसो बादिदै बगरोबारी महामाया मन्दिंराव जानानै फेबाय। हाबा जाखानायनि उनाव अबारामा लेखा फरायनायखौ जालदाव गावबाय।

बिफा हाल मावनायजों लोगोआव मावफानानै बिसि अलकाखौ फिसिबोबाय। नाथाय बबेयाव? समाथ' रावखौबो नेबाय थाया। संसारनि नेम बादिदै शबारामआ बिसिखौ

रादिन्डि खालामनानै बे बुहुमनिफ्राय गोथैबारीआव थाहैनोबाय। बोथोरनि गुस्लायनायाव संसारनि बिबानआ आबारामनि नेम बादिदै शबारामआ बिसिखौ (उन बिसानाय)

जुलि खालार

(6 बिलाइनिफ्राय)

“हि इस लाभ मि”। मा नों सोमखोरखौ मोजां मोनो। उन्दैनिफ्रायनो देरजसिम मा नांगौ मा नाड होबोनाने दिने नो गोसो थोदों। नों दिनेनिफ्राय सोमखोरखौ लोगो हमनो मोनला होन्ना नै बुयो, सोबायो राययो आरो न' सिडव जोबनानै दोनो। फासैथि सोमखोर बिफायाबो समायनाखौ गोसो थोदों होन्ना नै रायो, बुयो, आरो सोबायो बेखौबो न सिडव जोबनानै दोनो। सान हर जेबो जाया दै लोड गारा दिन थानोबाय थायो सोमखोर। समायनायाबो जेबो जाया गारा बिसिनियाव उन्दुसोनानै गाबो। अब्लासो समायना बिमा बिफा आरो सोमखोरनि बिमा बिफाया मा खालामनो होन्ना नै खाफाल सौयै-सौयै गाबो। फिसाजोनि बिदि हालोदखौ नुनानै समायना बिमा-बिफाया सोमखोरजों जुलि होनो आरो फिसाजोनि मोजांनि थाखाय जुलि होनो थिरांथा लायो। फारसेथिं सोमखोरनि बिदि हालोदखौ नुनानै सोमखोर बिमा-बिफायाबो जिगासिनो हमो। बिसोरनो फिसाज्जलानि मोजांनि थाखाय समायना जों जुलि होनो थिरांथा लायो। सोमखोर आरो सोमखोरनि बिमा बिफाया समायना मोननि नआव थानानै सोमखोर आरो समायनानि थाखाय जुलिनि खालार दान्नो समायना मोननि नआव थानायसै। बिसोरखौ फेनाय नुनानै समायना बिमा-बिफाया आलासि सिबिनो मोनानै गोजोनदोंमोन आरो हाबानि खालार दान्नानै थि समाव समायना आरो सोमखोरनि हाबाया जाना थानायसै।

भारतीय लाइमोनफोरा मानो देरनो-लावनो हाया?

गोदान दिल्ली, 11 नभेम्बर : भारतयाव उखैहाबनायनि जाहोनाव बैसो जायै गथ'फोरा देरनो-लावनो हाया। मोनसे सार्भनि बादिब्ला, भारतआ बडि मास इन्डेक्सनि केसयाव मुलुगनि दर 200 हादतफोरनि गेजेराव 196 थि नम्बराव दं। बेबादि फारागथि जाहोनाव भारतआव बैसो जायै गथ'फोरनि जौथाया मुलुगनि जौगाखां हादतफोरनि रुजुनायाव जौथाया 20 से:मि: खम। इम्पीरियल कलेज, लन्डननि सार्भेआव मोनथिनो मोननाय जादोंदि स्कुल गथ'फोरनि जौथाय आरो लिरथाया मुलुगनाडै आलादा आलादा। हिन्जावसाफोरनि बिएमआइयाव भारतआ थामथि आरो हौवाफोरा 5 थि नम्बराव दं भारतआ। संदानगिरिफोरा रोखा मोनथिनो मोन्दोंदि, गोबां सुबुंफोर थानाय आरो खम सुबुंफोर थानाय हादतफोरनि गेजेराव बे समाव लाइमोनफोरनि जौथाय आरो बडिमास इन्डेक्सयाव गोबां फारागथि नुनो मोन्नाय जादों। भारतआव 19 बोसोरनि लाइमोनफोरनि बडि मास इन्डेक्सआ गोबां खम। भारतजों लोगोसे बे फारिलाइयाव बांलादेश, इथपिया, जापान, रमजों लोगोसे गुबुन गुबुन हादतफोराबो दंफा देरो। गोबां बिएमआइ थानाय हादतफोरा जादों कुबेत, बहरीन बहामस चिली आमेरिका आरो निउजिलेन्ड। आमेरिका आरो निउजिलेन्डनि सुबुंफोरा भारतीय फोरनिफ्राय गोबां गुफुं देहा गोनां आरो गोजौसिन।

गसाइगाव क्रिकेट गौथुमनि बान्जायनायाव प्रिमियर लीग क्रिकेट टूर्नामेन्टखौ खुंफुंबाय



गसाइगाव, 11 नभेम्बर: कक्राझार जिल्लानि गसाइगाव महकुमानि सिङ्गव थानाय 3 नं दावागुरिआव गसाइगाव क्रिकेट एसएसिएननि बान्जायनायाव गिबि खेब टि-20 प्रिमियर लीग क्रिकेट बादायलायनायखौ खुं'नाय जायो। बे बादायलायनाया थानाय 1 नभेम्बरनिफ्राय जागायजेन्नानै मैया 10 नभेम्बरखालि जोबथा बादायलायनाया एबा गेलेनाय जायो। बे जोबथा गेलेनायाव सोनाब बंग'नि बारबैसा आरु गसाइगाव क्रिकेट गौथुमनि गेजेराव गेलेनाय जायो आरु गिबि गेलेनायाव गसाइगाव आरु

नैथि गेलेनायाव बारबैसाआ देरहानो हायो। बे बादायलायनायाव 4 नं जमदुवार बियाबनि बिपिएफनि बिजाथि रेवेरा नाजिहारिजों लोगोसे माजेन्द्र नाज्जि, फोरेंगिरि, मेलेमजिबि आरु गामि दैदेनगिरिजों लोगोसे गोबां राज्जो-राजाफोराबो बाहागो लानानै नायदों मोन। बे हाबाफारिनि गेजेरजों दावागुरि प्रिमियर लीगनि बान्जाय आफादनि आफादगिरि बापु साहाआ बुडोदि, बे बादायलायनायाव गेलेग्राफोरनि गोसो थुलुगाखां होनाय जाहाथे इयुनि आइपिएलआव सायख'

जायो बेखौ नोजोर होनाय खुं'नाय जादों। बे बादायलायनायाव गामिनि राज्जो-राजाफोरजों लोगोसे गोबां फसंथानफोर हेफाजाब होदों होन्नानै फोरमायो। बादायलायनायाव देरहासाद जानाय हान्जानो 30 रोजा रंजों लोगोसे ट्फ्री आरु 2 थि हान्जानो 16 रोजा रं आरु ट्फ्री होनाय जायो। बे अन्सुथायखौ होदों मोन 4 नं जमदुवार बियाबनि बिजाथि रेवेरा नाजिहारिआ। बे बायदि बादायलायनायावफोरा उननि समावबो खुं'नाय थानागोनखौ मिजिथि लाखियो।

13 थि सिजन आइपिएलनि फाइनाल मेचखौ मुम्बाइ इन्डियान्स हान्जाया देरहाबाय फाइनालआव मुम्बाइ इन्डियान्सआ दिल्लीखौ फेजेन्दों

मुम्बाइ, 11 नभेम्बर: हादतनि बायजोयाव थानाय अक्ट'बर दाननिफ्रायनो फारिये सोलिबोबाय थानाय 13 थि सिजन इन्डियान प्रिमियर लीग (आइपिएल) गेलेनाय जोबथा मेच एबा फाइनाल मेचआ मैया जानानै थाडो। आइपिएलनि फाइनाल मेचखौ रहित शर्मानि हान्जा दैदेन्नाय मुम्बाइ इन्डियान्सआ दिल्ली केपिटेल्स हान्जाखौ गोरलैयैनो फेजेन्नो हानानै बे सिजननि ट्फ्रीखौ फिन दखल खालामनो हाफिनबाय। दुबाइनि इन्टरनेसनल क्रिकेट स्टेडियमआव गेलेनाय आइपिएलनि फाइनाल मेचखौ मुम्बाइ इन्डियान्सआ गोखों बलिं आरु बेटिं खालामनायनि हेफाजाबजों गासै 5 उइकेटनि फारागथियाव दिल्ली केपिटेल्स हान्जाखौ फेजेन्नो हायो। फाइनाल मेचनि गेलेनायाव श्रीयस आरुयनि हान्जा दैदेन्नाय दिल्ली केपिटेल्सआ सिगां बेटिं खालामनानै 20 अभावरु गासै



मोन 7 उइकेट खोमाना 156 रानखौ खालामनो हायो। हान्जानि जानानै केपेन श्रीयस आरुयना 50 बलाव 65 रन, ऋसुव पानआ 38 बलाव 56 रानखौ खालामनो हादों मोन। बिसोर सारैनि मिजिथिजानाय बायदि गेलेनाय खालामनाय राननि टारगेटखौ मुम्बाइ इन्डियान्सआ सिगांनिफ्रायनो गोखों गेलेनाय 5 उइकेटआव

देरहानो हायो। मुम्बाइ इन्डियान्सनि जानानै केपेन रहित शर्माआ 68 रनखौ खालामनो हानायजों लोगोसे हान्जानि अपेनार बेटसमेन डिककआ 20 रानखौ खालामनो हादों मोन। बेजों लोगोसे लाइमोन गेलेगिरि सुर्जु कुमार यादवआ गोखों गेलेनाय हादों मोन। बिसोरनि गेलेनाय हेफाजाबजों मुम्बाइ हान्जाया टारगेटखौ 18.4

अभावरु गोरलैयैनो बारनो हायो। बे मेचखौ देरहानो हानानै मुम्बाइ इन्डियान्सआ आइपिएलनि गेलेनाय फारिलाइयाव 5 थि खेब ट्फ्रीखौ देरहायो। मख'नो गोनांदि, कभिड-19 महामारिनि गिथावनायै गोसारनाय थासारियाव हादतआव खुंनो हायैनि थाखाय इउनाइटेड आरु इमारेट सुंदयै इउएइ हादतआव थानाय अक्ट'बर दाननिफ्राय

फारिये 13 थि सिजननि आइपिएल मेच गेलेनाया गुबुन गुबुन हान्जाफोरनि गेजेराव सोलिबोबाय थानायजों जोबथायाव मुम्बाइ इन्डियान्सआ फाइनालखौ देरहानो हानानै साबसिन आरु गोखोंसिन हान्जा जानो हायो। लोगोसे बे सिजननि आइपिएल ट्फ्रीखौ देरहानो हानायव मुम्बाइ इन्डियान्सनि गेलेगिरिफोरा जोबोद रंजाखानाय फोरमायदों। फारसैथि दिल्ली हान्जाया आइपिएलनि जारिमिनआव गिबि खेब बे सिजनआव फाइनाल गेलेनाय खानु मोन्डोब्लाबो नाथाय फाइनालखौ देरहानो थांखि लानाय सिमाइ एसेयावनो फेलें जायो। गुबुन गुबुन हादतनि गोखों गेलेगिरिखौ लानानै आरु भारतनि लाइमोन गेलेगिरिफोरनि गेजेराव हान्जाफोरनि गोखों गेलेनायखौ थानाय माखासे समनिफ्रायनो मोगा-मोगि जुजिलायनाय नुनो मोन्डोमोन।

अलिम्पिक खुंनायनि सिगां गोम्सनि टेस्ट टूर्नामेन्टखौ खुंदों

टकिय', 11 नभेम्बर: मुलुगआव गासै गेलेमुफोरनि गेजेराव बयनिखुइबो देरसिन बादायलायनाय अलिम्पिक गोम्सखौ फेगौ बोसोरनि जुलाइ दाननिफ्राय जापाननि राजथारनि टकिय' सहयव खुंनो थाखाय दासान्दि अलिम्पिक खुं'नु आफादआ आबुडै साखा-फारा जाबाय। कभिड-19 गोसारनाय थासारिनि जाहोनाव बोसोरसिनि थाखाय दोन्थ'नाया टकिय' अलिम्पिक गोम्सखौ फेगौ बोसोराव जेरैखि जाया खुंनो साखा-फारा जानायनि सिगांनो दासान्दि टकिय'नि अलिम्पिक स्टेडिअयाव टेस्ट खालामनाय टूर्नामेन्टखौ खुं'नाय जायो। रबिबारखारि जिमनास्टिक गेलेनायनि बादायलायनायखौ खुं'नाय जादों मोन। बे टूर्नामेन्टआव रासिया, चीन आरु आमेरिकानि सा 22 जिमनास्टिक गेलेगिरिफोरा बाहागो लादों मोन। बेजों लोगोसे गोबां रोजा नायग्रा



अन्सायारिफोराबो टेस्ट खालामनाय टूर्नामेन्टनि गेलेनायखौ बाहागो लानानै नायदों मोन। टकिय' अलिम्पिकनि गोम्स डिजिबारि बिबानगिरि नाका मुराआ अनलाइननि गेजेरजों खुं'नाय मोनसे गोनां जथुमनाय मेलआव बुडोदि, फेगौ बोसोरनि मार्च दानआव आरोबाव अलिम्पिक गोम्सनि थाखाय टेस्ट खालामनाय बादायलायनायखौ खुं'नो सानबावदों। बिथाडा

बुंबावोदि, बे बादायलायनायखौ मा बायदि खुं'नो आरु बे बादायलायनायाव जापाननि अनगायै मोनबेसे हादतफोरनि गेलेगिरिया बाहागो लागोन बेनि सायाव दासिम रोखा जायाखै। नाकामुराआ बुंबावोदि, जापान सरकार आरु टकिय' नोगोसमा खुं'नायजों गोरोबना खौसेथियै कभिड-19 नि हेंथायै माबोरें देरहानो हागोन बेनि सायाव रहा लानाय जादों। बिथाडा बुंबावोदि, फेगौ बोसोरनि

जागायजेन्नाय दाननिफ्रायनो जों मावनो गोनां खामनिफोरखौ आबुडै मावफुगोन आरु मार्च दानआव गुबुन मोनसेबाव टेस्ट खालामनाय टूर्नामेन्टखौ खुं'नाय जागोन। मख'नो गोनांदि, कभिड-19 नि जाहोनाव जापानव खुं'नो लानाय गोम्सखौ बोखारनागोन गोबां जापाननि थागिबि सुबुंफोरा दाबि खालामदोंब्लाबो बे गोम्सखौ फेगौ बोसोराव जेरैखि जाया खुं'नो थांखि लाबाय।

2018 नि कमनवेलथ गोम्सआव सनानि मेडेल देरहानाय सुटार श्रीयासि सिंआ बिहार बिधान सभा बिसायख थियाव देरहादों

पाटना, 11 नभेम्बर: हादतनि जानानै गेलेनायनि गेजेरजों उननि समाव हादतनि गोबां गेलेगिरिफोरा बिसायख थियाव बाहागो लानानै थांखि जाफुंसारनाय नुनो मोनबोदों। बे बायदि गेलेगिरिफोरनि जाफुंसारनायखौ गुबुन सासे सनानि मेडेल देरहानाय सुटि गेलेगिरिया बिदिन्थि होनो हादों। मिथिनाय बायदिब्ला थानाय 2018 नि कमनवेलथ गोम्सआव सनानि मेडेल देरहानाय सुटि गेलेगिरि श्रीयासि सिंआ मैया फोसावनाय बिहार बिधान सभा बिसायख थिनि फिथाइयाव बिजेपि दोलोनि जानानै देरहानो हानायव जाफुंसारदों। गासै 40 रोजनिबो बांसिन भट मोनानै सनानि मेडेल देरहानाय सुटि गेलेगिरि श्रीयासिआ बिहारनि बिसायख थियाव जामुइ बिधान सभा बियाबनिफ्राय बिजेपि दोलोनि जानानै आरजेबि



दोलोनि एमएलए बिजय प्रकासखौ फेजेन्नो हादों मोन। बिसायख थि आयगनि सुलुड फोरमायनाय बायदिब्ला श्रीयासि सिंआ गावनि गिबि राजखान्थियाव आगान होजेन्नायनि गेजेरवोनो एमएलए महरें बिसायख जायो। श्रीयासि सिंआ भारतनि सुटि गेलेनाय जारिमिनआव गुबुन सासे सट्यान सुटार महरें मिथिजायो। 2018 नि कमनवेलथ गोम्सआव

कुमार सरेन्द्र सिं आरु बिफा दिगबिजय सिंआ मोनसे समाव नेसनेल राइफल एसएसिएननि आफादगिरि मासिखौ सामलायदों मोन। दासान्दि दिगबिजय सिंआ भारतनि पार्लियामेन्टआव 5 थि खेब एमपि महरें गावनि बिबानखौ रुजुना दं। श्रीयासिआ 2010 माइथायाव इन्टरनेसनल सुटि गेलेनाय बादायलायनायाव बाहागो लादों मोन। गोदान दिल्लीआव जालांनय कमनवेलथ गोम्सआव भारतनि सुटि हान्जाखौ श्रीयासि सिंआ दै देन्दों मोन। गेलेनायनि गेजेरजों मुलुगनि गुबुन गुबुन सुटि बादायलायनायावफोराव मेडेल देरहानानै भारतनि मुं आर्जिनाय आरु गोम्गाहोनाय बिथिडाव श्रीयासि सिंआ थोजासे बिहोमा होनो हाबोदों।

सेन्ड्रमजों नाखबजानाय आमेरिकानि क्रिस निकिसआ सुइमिंआव गोदान जारिमिन सोर्जिदों

वाशिंटन, 11 नभेम्बर: आमेरिकानि 21 बोसोर बैसोनि सेन्ड्रम बेरमजों नाखबजानाय क्रिस निकिसआ पनामासिटीआव खुं'नाय मोनसे बादायलायनायाव गोदान जारिमिन रेकर्डखौ खालामनो हानानै डाउन सेन्ड्रमजों नाखबजानाय गिबि गेलेगिरि एबा एटिलिटि जानो हायो। सुलुंनि बायदिब्ला बे रेकर्डखौ खालामनो हानानै आमेरिकानि गेलेगिरिआ थानाय 42 बोसोरनि जारिमिनयाव सुइमिं रेसखौ आबुं खालामनो हानाय गिबि गेलेगिरि जानो हायो। क्रिसआ 3.86 कि:मि: जान्थायनि सुइमिं रेसखौ आबुं खालामनो हादों मोन। अदेबानि गासै 180 कि:मि: जान्थायनि लामाखौ साइक्लिं खालामनो हानाय आरु

42 कि:मि: मारटनखौ आबुं खालामनायाव गासै 16 घन्टा 46 मिनट 9 सेकेन्ड सम नादों मोन। अफिसियल कड अफ टाइमनि बायदिब्ला बेनि बादायनाया गिनिस वर्ल्ड रेकर्ड जानो हादों। मख'नो गोनांदि, आमेरिकानि सेन्ड्रमजों भुगिनाय क्रिस निकिसआ फुंनि 5.52 रिगानिफ्राय गावनि बादायनायखौ जागायनानै गासै 16 घन्टा समनि गेजेराव आबुं खालामनो हायो। सुलुंनि बायदिब्ला 1 रोजा सुबुंफोरनि गेजेराव सासे सुबुडाल' सेन्ड्रम बेरमजों भुगिनाय रिपटखौ मोनो हायो। क्रिसनि बिफा निकआ बुडोदि, क्रिसखौ आइरनमेन खालामनो थानायाव थांखि बायदिथै थानाय 3 बोसोरनि सिगांनिफ्रायनो ट्राइल

खालामनाय जादों मोन। बिफाआ बुंबावोदि, जुदि क्रिसआ जादों मोन आरु बे जोखोम जानायखौ नेवसिगारनानै गावनि हालोदखौ नेवसिगारनानै बेबायदि गोलाव बोसोरनि



आइरनमेन जानो हायोब्ला गासैखौबो खालामनो हागोन। निकिसआ साइकल सालायनाय समाव सौग्रावनायजों जोखोम

मारटन खारनायखौ जागायनायाव बे रेसखौ 6 घन्टा 18 मिनटआव आबुं खालामनो हादों मोन। गावनि देहानि जारिमिनआव रेसखौ जाफुंसार होनो हानायव बिनि बिफा निकआ जोबोद गोजोन्नाय फोरमायदों।

फर्मुला वनआ 2021 नि थाखाय बादायगोन केलेन्डारखौ फोसावबाय

पेरिस, 11 नभेम्बर: फर्मुला वनआ 2021 सिजननि थाखाय अरायथा नडै बादायगोन फारिलाइनि केलेन्डारखौ मंगलबारखालि फोसावना होबाय। सिजननि एबा फेगौ बोसोरनि 21 मार्चनिफ्राय मेलबर्नजों लोगोसे बे केलेन्डारनि बादायलायनाय फारिलाइआ डिसेम्बर दाननि 5 अक्ट'खालि अबुदाबिआव फर्मुला वननि बादायलायनाया खुं'जागोन। नाथाय 25 एप्रिलखालि गेलेनायखौ बन्द' बोसोरनि गेजेराव लाबोफिनगोन। कभिड-19 नि जाहोनाव फर्मुला वननि बे सोलिफु बोसोराव बादायलायनाया गात्रियै गोहोम गोर्लैदों। अदेबानि बे बोसोराव गासै मोन 22 रेस बादायलायनायाल' खुंजादों। दासान्दि लासै-लासै फर्मुला



बिबानगिरिफोरजों सावरयनाय जादों। सिगाडावबो फर्मुला वनआ बुंदांमोनदि, नायग्रा अन्सायारिफोरनि थाखाय फर्मुला वननि गेलेनायखौ फेगौ बोसोरनि गेजेराव लाबोफिनगोन। कभिड-19 नि जाहोनाव फर्मुला वननि बे सोलिफु बोसोराव बादायलायनाया गात्रियै गोहोम गोर्लैदों। अदेबानि बे बोसोराव गासै मोन 22 रेस बादायलायनायाल' खुंजादों। दासान्दि लासै-लासै फर्मुला

गेलेनायखौ लाबोफिननायजों लोगोसे बेखौ सुबुंफोरनि गेजेराव सिगांनि बायदि लाबोफिननायनि थांखि लादों। मख'नो गोनांदि, कभिड-19 नि गोसारनाय थासारिनि गेजेरावबो थानाय समफोराव नायग्रा अन्सायारिफोर गैयालासेनो फर्मुला वननि माखासे बादायलायनायखौ खुं'नो हादों मोनब्लाबो नाथाय मिजिंथिजानाय बायदि जाफुंसारखिसै।